
**APLIKASYON NG SOSYO-EMOSYONAL NA LITERASIYA
KAUGNAY NG ANTAS NG KRITIKAL NA PAG-IISIP NG MGA MAG-
AARAL: BATAYAN SA MGA REKOMENDASYONG PEDAGOGHIKAL**

***Ladyjoy S. Casaños**

Master Teacher I- Comprehensive National High School Cahulugan, Gingoog City.

Article Received: 5 May 2026

*Corresponding Author: Ladyjoy S. Casaños

Article Revised: 25 May 2026

Master Teacher I- Comprehensive National High School Cahulugan, Gingoog City.

Published on: 15 June 2026

DOI: <https://doi-doi.org/101555/ijrpa.8248>

ABSTRAK

Layunin ng pag-aaral na ito na matukoy ang antas ng aplikasyon ng Sosyo-Emosyonal na Literasiya (SEL) sa pagtuturo ng asignaturang Filipino batay sa persepsyon ng mga guro at ang antas ng kritikal na pag-iisip ng mga mag-aaral sa mga kasanayang pagsusuri ng impormasyon, lohikal na pangangatwiran, ebalwasyon ng ideya at argumento, at pagbubuo ng matalinong konklusyon. Sinuri rin nito kung may makabuluhang ugnayan sa pagitan ng aplikasyon ng SEL at kritikal na pag-iisip ng mga mag-aaral. Gumamit ang pag-aaral ng deskriptibo-korelasyonal na disenyo. Lumahok ang tatlong (30) guro sa Filipino at siyamnapung (90) mag-aaral mula sa mga piling paaralan sa Dibisyon ng Lungsod ng Gingoog. Ginamit ang weighted mean upang masukat ang antas ng aplikasyon ng SEL, Mean Percentage Score (MPS) para sa kritikal na pag-iisip, at Pearson r para sa pagsusuri ng ugnayan ng dalawang baryabol.

Ipinakita ng resulta na napakataas ang antas ng aplikasyon ng SEL sa pagtuturo ng Filipino na may pangkalahatang mean na 4.58. Natuklasan din na mataas ang antas ng kritikal na pag-iisip ng mga mag-aaral na may pangkalahatang MPS na 79.95. Pinakamataas ang kasanayan sa pagbubuo ng matalinong konklusyon (MPS = 84.67), samantalang pinakamababa ang ebalwasyon ng ideya at argumento (MPS = 67.78). Gayunpaman, lumabas sa pagsusuri na walang makabuluhang ugnayan sa pagitan ng aplikasyon ng SEL at kritikal na pag-iisip ng mga mag-aaral ($r = 0.1435$, $p = 0.449 > 0.05$), kaya tinanggap ang null hypothesis.

Batay sa mga natuklasan, napag-alamang mataas ang antas ng aplikasyon ng SEL at kritikal na pag-iisip ng mga mag-aaral, subalit hindi ito nagpapakita ng tuwirang estadistikang ugnayan. Inirerekomenda ang pagpapatibay ng mga estratehiyang pampagtuturo na nakatuon

sa argumentasyon, pagsusuri ng bias, ebalwasyon ng mga ideya at argumento, at iba pang gawaing humuhubog sa mataas na antas ng pag-iisip upang higit na mapaunlad ang kritikal na pag-iisip ng mga mag-aaral.

SUSING SALITA: Sosyo-Emosyonal na Literasiya (SEL), asignaturang Filipino, kritikal na pag-iisip, ebalwasyon ng ideya at argumento, deskriptibo-korelasyonal na pag-aaral.

PANIMULA

Sa kasalukuyang kalagayan ng edukasyon, higit nang kinikilala na ang pagkatuto ay hindi lamang nasusukat sa paglinang ng akademikong kakayahan kundi maging sa pagpapaunlad ng kakayahan ng mga mag-aaral na maunawaan ang kanilang sarili, makipag-ugnayan nang mabisa sa kapwa, at gumawa ng matalinong pagpapasya.

Sa ganitong pananaw, ang Sosyo-Emosyonal na Literasiya (SEL) ay itinuturing na mahalagang salik sa holistikong pag-unlad ng mga mag-aaral sapagkat iniuugnay ito sa mas matatag na kalusugang emosyonal, positibong pag-uugali, at mas mataas na antas ng pagkatuto.

Sa pandaigdigang antas, ipinakikita ng mga pag-aaral na ang sistematikong integrasyon ng SEL ay nakatutulong sa pagpapaunlad ng kritikal na pag-iisip at akademikong tagumpay ng mga kalahok sa pagkatuto, na umaalinsunod din sa mga adhikain ng Sustainable Development Goals, lalo na ng SDG 3 at SDG 4 (Greenberg, 2023; Martínez & Gómez, 2024; Nanda et al., 2025; Storey, 2020).

Kaugnay nito, mahalaga ring malinang ang kritikal na pag-iisip bilang isa sa mga pangunahing kasanayan sa ika-21 siglo. Sa konteksto ng asignaturang Filipino, mahalaga ang kasanayang ito upang mapalawak ang kakayahan ng mga mag-aaral sa pagsusuri ng impormasyon, lohikal na pangangatwiran, pag-eebalwasyon ng mga ideya at argumento, at pagbuo ng matalinong konklusyon. Ipinahihiwatig ng umiiral na literatura na may malapit na ugnayan ang Social-Emotional Learning (SEL) at kritikal na pag-iisip, sapagkat ang mga kasanayang sosyo-emosyonal ay nagsisilbing pundasyon ng mas malalim na pag-unawa, lohikal na pagpoproseso ng impormasyon, at responsableng paghatol sa mga suliraning akademiko at panlipunan (Alesna-Tuñacao, 2024; Arslan & Demirtaş, 2016; Megawati & Mukminatien, 2023; Pasco & Cruz, 2023; Segal & Biton, 2024).

Sa rehiyon ng ASEAN, lumilitaw ang lumalawak na pagkilala sa halaga ng SEL sa pagpapaunlad ng pakikipag-ugnayan, kamalayang pansarili, at responsableng pagpapasya ng mga mag-aaral. Halimbawa, sa Singapore, malinaw na naipapasok ang mga prinsipyong

kaugnay ng SEL sa kurikulum sa pamamagitan ng mga programang nakatuon sa paghubog ng pagkatao at pagkamamamayan, na sumusuporta rin sa masusing pagsusuri ng teksto at sa pagbuo ng lohikal na argumento. Ipinakikita nito na sa antas ng rehiyon, kinikilala ang SEL bilang mahalagang sangkap sa paghubog ng mga kasanayang kognitibo at panlipunan na kinakailangan sa makabagong edukasyon (Katrimah, 2025; Sa Pilipinas, unti-unti nang naisasama ang sosyo-emosyonal na literasiya (SEL) sa mga gawaing pangkurikulum at pampagtuturo. May mga inisyatibang nagpapakita ng pagpapahalaga sa paglinang ng kasanayang sosyo-emosyonal ng mga mag-aaral, at may mga pag-aaral ding nag-uulat ng ambag nito sa partisipasyon, pagkatatag, at pag-unawa sa pagkatuto. Gayunman, nananatiling limitado ang kontekstwalisadong ebidensiya hinggil sa kung paano tuwirang naiuugnay ang SEL sa pagpapaunlad ng kritikal na pag-iisip sa asignaturang Filipino, lalo na sa antas ng Junior High School. Dagdag pa rito, nahaharap ang mga guro sa hamon ng kakulangan sa sapat na pagsasanay, kagamitan, at patuloy na suportang institusyonal upang maisagawa ang sistematikong integrasyon ng SEL sa pagtuturo (Abudu et al., 2025; Dyson et al., 2021; Malta et al., 2024; Molina et al., 2025; Song et al., 2022).

Sa lokal na konteksto ng Dibisyon ng Gingoog, higit na lumilitaw ang puwang sa pananaliksik hinggil sa aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at sa kaugnayan nito sa antas ng kritikal na pag-iisip ng mga mag-aaral sa Junior High School. Bagama't kinikilala na ang kahalagahan ng SEL at ng kritikal na pag-iisip sa pagkatuto, nananatiling limitado ang lokal, kontekstuwal, at asignaturang tiyak na ebidensiyang maaaring magsilbing batayan ng mga gurong Filipino at ng pamunuan ng paaralan sa pagpapahusay ng pagtuturo.

Higit pa rito, ang kakulangan sa kontekstuwalisadong kagamitang panturo, sapat na pagsasanay ng mga guro, at tuloy-tuloy na suportang institusyonal ay maaaring makaapekto sa lawak at bisa ng integrasyon ng SEL sa silid-aralan. Dahil dito, kinakailangan ang isang pag-aaral na hindi lamang maglalarawan sa antas ng aplikasyon ng Sosyo-emosyonal na Literasiya (SEL) sa pagtuturo ng Filipino, kundi susuri rin sa kaugnayan nito sa antas ng kritikal na pag-iisip ng mga mag-aaral upang makapagbigay ng mas tiyak na batayan sa mga rekomendasyong pedagogikal para sa asignatura at sa lokal na sistemang pang-edukasyon

Kaugnay na Literatura at Pag-aaral

Ang integrasyon ng Sosyo-Emosyonal na Literasiya (SEL) sa mga prosesong pedagogikal ay kinikilala bilang mahalagang salik sa pagpapaunlad ng kritikal na pag-iisip ng mga mag-aaral. Sa kontemporaryong larangan ng edukasyon, hindi na lamang binibigyang-tuon ang

paglinang sa aspektong kognitibo kundi maging ang paghubog sa dimensyong emosyonal at panlipunan bilang mahalagang bahagi ng holistikong pagkatuto. Dahil dito, dumarami ang mga pag-aaral na nagbibigay-diin sa kahalagahan ng SEL bilang mabisang lapit sa pagpapaunlad ng mas mataas na antas ng pag-iisip, partikular sa pagsusuri, ebalwasyon, at pagbuo ng matalinong desisyon.

Gayunpaman, sa kabila ng lumalawak na interes hinggil sa SEL, nananatiling limitado ang mga empirikal na pag-aaral na nakatuon sa lokal na konteksto ng Pilipinas, lalo na sa asignaturang Filipino sa antas ng Junior High School. Karamihan sa umiiral na literatura ay nakasentro sa pangkalahatang aplikasyon ng SEL at hindi tuwirang sinusuri ang kaugnayan nito sa pagpapaunlad ng kritikal na pag-iisip sa pagtuturo ng Filipino. Bunga nito, mahalagang masuri ang mga kaugnay na literatura at pag-aaral hinggil sa mga pangunahing dimensyon ng SEL at sa mga kasanayang kognitibong kaugnay ng kritikal na pag-iisip upang makabuo ng matibay na batayang teoretikal at empirikal para sa kasalukuyang pananaliksik.

Ipinakikita sa iba't ibang literatura na ang kamalayang pansarili ay mahalagang sangkap sa pagpapaunlad ng kakayahan ng mga mag-aaral na maunawaan ang sariling damdamin, pagpapahalaga, lakas, at kahinaan. Itinuturing itong pundasyon ng mas mataas na prosesong kognitibo sapagkat hinuhubog nito ang kakayahan ng mga mag-aaral na magsagawa ng introspeksiyon at masusing pagsusuri sa sariling pananaw bago humarap sa mas komplikadong pag-aanalisa ng panlabas na impormasyon. Sa konteksto ng asignaturang Filipino, nagiging mahalaga ang dimensyong ito sa pagpapalalim ng pag-unawa ng mga mag-aaral sa kanilang emosyonal na tugon at personal na karanasan kaugnay ng mga akdang pampanitikan at mga isyung panlipunang tinatalakay sa klase. Sa pamamagitan ng mga gawaing replektibo tulad ng reflective journal, pagsusulat ng salaysay, at pagninilay sa mga tekstong binabasa, higit na napalalawak ang kanilang kakayahang magsuri at magbigay-kahulugan sa mga karanasang pantao.

Samantala, ang pamamahala ng emosyon ay tumutukoy sa kakayahang regulahin at pamahalaan ang emosyon, pag-iisip, at pag-uugali sa iba't ibang sitwasyon. Mahalaga ang dimensyong ito sa proseso ng pagkatuto sapagkat nakatutulong ito upang mapanatili ng mga mag-aaral ang konsentrasyon, motibasyon, at disiplina sa kabila ng mga hamon at suliraning emosyonal na kanilang nararanasan. Ipinahihiwatig ng mga kaugnay na pag-aaral na ang mga mag-aaral na may mataas na antas ng emosyonal na regulasyon ay higit na nagiging matiyaga, responsable, at epektibo sa pagganap ng mga gawaing akademiko. Sa asignaturang Filipino, mahalaga ito sa mga gawaing nangangailangan ng masusing pagsusuri at matagal na

pagpoproseso ng impormasyon tulad ng kritikal na pagbasa, interpretasyon ng akda, at pagsulat ng analitikal na sanaysay. Kaugnay nito, iniuugnay sa mga mabisang estratehiya ang reflective journaling, mindfulness activities, at wellness breaks upang higit na mapatatag ang emosyonal na kalagayan ng mga mag-aaral habang nakikibahagi sa mga gawaing intelektuwal.

Bukod dito, binibigyang-diin din sa mga literatura ang kahalagahan ng kamalayang panlipunan sa pagpapaunlad ng empatiya at pag-unawa sa iba't ibang pananaw, karanasan, at mga kontekstong panlipunan. Sa pamamagitan ng dimensyong ito, natututuhan ng mga mag-aaral na kilalanin at igalang ang pagkakaiba-iba ng kultura, paniniwala, at mga perspektiba ng iba. Sa asignaturang Filipino, naipamamalas ito sa masusing pagsusuri ng mga tauhan, suliranin, at mga isyung panlipunang nakapaloob sa mga akdang pampanitikan. Ipinakikita rin sa mga pag-aaral na ang panitikan ay nagsisilbing daluyan upang higit na maunawaan ng mga mag-aaral ang damdamin, motibasyon, at kalagayang panlipunan ng iba't ibang indibidwal. Dahil dito, higit na nahuhubog ang kanilang kakayahang maging mapanuri, makatao, at sensitibo sa mga usaping panlipunan. Kabilang sa mga estratehiyang iniuugnay rito ang role-playing, debate, at kolaboratibong diskusyon na humahamon sa mga mag-aaral na timbangin at suriin ang iba't ibang pananaw at mga realidad sa lipunan.

Kaugnay nito, mahalaga rin ang kasanayan sa pakikipag-ugnayan upang mapalalim ang kritikal na pag-iisip at makabuluhang partisipasyon ng mga mag-aaral sa proseso ng pagkatuto. Kabilang dito ang malinaw at epektibong komunikasyon, aktibong pakikinig, kooperasyon, at responsableng pakikisalamuha sa iba. Sa ganitong paraan, ipinakikita sa mga literatura na ang mga gawaing kolaboratibo ay nakatutulong sa pagpapalawak ng pananaw ng mga mag-aaral sapagkat natututuhan nilang pakinggan, suriin, at igalang ang opinyon ng iba habang malinaw ding naipahahayag ang kanilang sariling ideya at paninindigan. Sa pagtuturo ng Filipino, naisasabuhay ito sa pamamagitan ng debate, pangkatang talakayan, kolaboratibong pagsulat, at pagsusuri ng mga napapanahong isyu. Dahil dito, higit na nalilinig ang kakayahan ng mga mag-aaral sa lohikal na pangangatwiran, pagbuo ng argumento, at responsableng pakikilahok sa diskurso.

Samantala, ang responsableng pagpapasya ay tumutukoy sa kakayahang bumuo ng makatwiran, makatarungan, at etikal na pagpapasya batay sa masusing pagsusuri sa mga posibleng epekto at implikasyon ng isang kilos o desisyon. Pinagsasama nito ang lohikal na pag-iisip at etikal na paghuhusga sa pagharap sa mga suliraning akademiko at panlipunan. Sa asignaturang Filipino, naipamamalas ito sa pagsusuri ng mga moral at panlipunang suliraning

kinahaharap ng mga tauhan at sa pagbuo ng sariling paghatol hinggil sa angkop na kilos batay sa konteksto at implikasyon ng mga pangyayari sa akda. Ipinakikita sa mga literatura na ang mga gawaing nakatuon sa pagsusuri ng suliranin, pagtitimbang ng iba't ibang pananaw, at pagbuo ng solusyon ay nakatutulong sa pagpapaunlad ng lohikal at etikal na pag-iisip ng mga mag-aaral.

Kaugnay nito, iniugnay ang kritikal na pag-iisip sa mas mataas na antas ng prosesong kognitibo na nakapaloob sa Bloom's Taxonomy at sa Revised Bloom's Taxonomy. Kabilang dito ang pagsusuri, ebalwasyon, at paglikha ng mga ideya at konklusyon batay sa ebidensya at lohikal na pag-uusad. Sa pag-aaral na ito, binibigyang-tuon ang apat na pangunahing dimensyon ng kritikal na pag-iisip: pagsusuri ng impormasyon, lohikal na pangangatwiran, ebalwasyon ng mga ideya at argumento, at pagbubuo ng matalinong konklusyon.

Ang pagsusuri ng impormasyon ay tumutukoy sa kakayahang tukuyin, pag-ugnayin, at suriin ang mahahalagang detalye, konsepto, at relasyon ng mga ideyang nakapaloob sa isang teksto. Sa asignaturang Filipino, naipamamalas ito sa pagsusuri ng banghay, tauhan, simbolismo, pananaw, at mga temang nakapaloob sa mga akdang pampanitikan. Higit pa rito, kabilang din dito ang kakayahang pag-ibahin ang katotohanan at opinyon, tukuyin ang kredibilidad ng impormasyon, at bumuo ng interpretasyong nakabatay sa ebidensya. Dahil dito, mahalagang gamitin sa pagtuturo ang mga estratehiyang tulad ng cause-and-effect analysis, fact-versus-opinion activities, at source evaluation upang higit pang malinang ang mapanuri at responsableng paggamit ng impormasyon.

Samantala, ang lohikal na pangangatwiran ay tumutukoy sa paggamit ng ebidensya, katuwiran, at sistematikong pagsusuri upang makabuo ng makatwiran at lehitimong konklusyon. Sa pagtuturo ng Filipino, mahalaga ito sa pagsusuri ng mga argumento, kilos ng mga tauhan, at mga isyung panlipunang nakapaloob sa akda. Sa pamamagitan ng mga gawaing nakatuon sa argumentasyon, pagsusuri ng sanhi at bunga, at pagkilala sa lohikal at di-lohikal na mga pahayag, higit na nahahasa ang kakayahan ng mga mag-aaral sa pagbuo ng makatwiran at mapanuring pananaw.

Ang ebalwasyon ng mga ideya at argumento naman ay tumutukoy sa kakayahang humusga sa katumpakan, kredibilidad, bisa, at kabuluhan ng mga pananaw at impormasyong nakapaloob sa teksto. Sa prosesong ito, natututuhan ng mga mag-aaral na kilalanin ang mga posibleng bias, suriin ang lakas at kahinaan ng mga argumento, at bumuo ng sariling paghatol batay sa lohika at ebidensya. Ipinakikita sa mga literatura na mahalaga ang aktibong pakikilahok ng

mga mag-aaral sa mga diskurso at gawaing analitikal upang higit pang mapaunlad ang kanilang kakayahan sa mapanuring pag-iisip at obhetibong paghuhusga.

Samantala, ang pagbubuo ng matalinong konklusyon ay itinuturing na isa sa pinakamataas na antas ng kritikal na pag-iisip sapagkat nangangailangan ito ng sintesis ng impormasyon, masusing pagsusuri ng ebidensya, at paglikha ng makatwiran at makabuluhang desisyon. Sa asignaturang Filipino, naisasagawa ito sa pamamagitan ng replektibong sanaysay, pagbuo ng sintesis ng akda, at paglalapat ng mga aral sa mga aktuwal na karanasan sa buhay. Gayunpaman, ipinakikita rin ng mga pag-aaral na nananatiling hamon sa ilang mag-aaral ang pagbuo ng matibay at lohikal na konklusyon dahil sa limitadong kakayahan sa pagsusuri at pangangatwiran. Dahil dito, mahalagang gumamit ng mga estratehiyang pampagtuturo na nakatuon sa mas malalim na pagsusuri, pagninilay, at argumentasyon upang higit pang mapalawak ang kanilang kakayahan sa kritikal na pag-iisip.

Sa kabuuan, ipinakikita ng mga kaugnay na literatura at pag-aaral na ang sistematikong integrasyon ng Sosyo-Emosyonal na Literasiya (SEL) sa pagtuturo ng Filipino ay may mahalagang ambag sa pagpapaunlad ng kritikal na pag-iisip ng mga mag-aaral. Sa pamamagitan ng paglinang ng kamalayang pansarili, pamamahala ng emosyon, kamalayang panlipunan, kasanayan sa pakikipag-ugnayan, at responsableng pagpapasya, higit na napauunlad ang kakayahan ng mga mag-aaral sa pagsusuri ng impormasyon, lohikal na pangangatwiran, ebalwasyon ng mga ideya at argumento, at pagbubuo ng matalinong konklusyon. Gayunman, nananatiling limitado ang mga pag-aaral na nakatuon sa lokal na konteksto ng pagtuturo ng Filipino sa antas ng Junior High School. Dahil dito, mahalaga ang kasalukuyang pananaliksik upang higit na mapalawak ang pag-unawa sa aplikasyon ng SEL at sa kaugnayan nito sa pagpapaunlad ng kritikal na pag-iisip ng mga mag-aaral sa asignaturang Filipino.

1.1 Paglalahad ng Suliranin

Layunin ng pag-aaral na ito na ilarawan at suriin ang ugnayan ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ang antas ng kritikal na pag-iisip ng mga mag-aaral sa Junior High School sa Dibisyon ng Gingoog City. Tinatangang sagutin ng pag-aaral ang sumusunod na mga katanungan:

1. Ano ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino batay sa persepsyon ng mga guro, kung isasaalang-alang ang mga sumusunod na dimensyon:

- 1.1. Kamalayang pansarili;

- 1.2. pamamahala ng emosyon;
- 1.3. kamalayang panlipunan;
- 1.4. kasanayan sa pakikipag-ugnayan; at
- 1.5. Responsableng pagpapasya?
2. Ano ang antas ng kritikal na pag-iisip ng mga mag-aaral sa asignaturang Filipino batay sa mga sumusunod na kasanayan:
 - 2.1. pagsusuri ng impormasyon;
 - 2.2. lohikal na pangangatwiran;
 - 2.3. ebalwasyon ng ideya at argumento; at
 - 2.4. Pagbubuo ng matalinong konklusyon?
3. Mayroon bang makabuluhang ugnayan sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ng antas ng kritikal na pag-iisip ng mga mag-aaral?
4. Ano-anong rekomendasyong pedagohikal ang maaaring mabuo batay sa mga natuklasan ng pag-aaral hinggil sa aplikasyon ng sosyo-emosyonal na literasiya (SEL) at sa antas ng kritikal na pag-iisip ng mga mag-aaral?

Haypotesis

H₀₁: Walang makabuluhang ugnayan sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ng antas ng kritikal na pag-iisip ng mga mag-aaral.

2. METODOLOHIYA

2.1 Desinyo ng Pananaliksik

Ang pag-aaral na ito ay gumamit ng disenyong deskriptibo-korelasyonal upang ilarawan ang antas ng aplikasyon ng sosyo-emosyonal na literasiya (SEL) sa pagtuturo ng asignaturang Filipino at ang antas ng kritikal na pag-iisip ng mga mag-aaral, gayundin upang suriin ang makabuluhang ugnayan sa pagitan ng dalawang baryabol. Hindi nito minamanipula ang mga baryabol, kundi inilalarawan ang kasalukuyang kalagayan at sinusuri ang ugnayan batay sa mga datos na nakalap.

Sa pag-aaral na ito, ang independyenteng baryabol ay ang antas ng aplikasyon ng sosyo-emosyonal na literasiya (SEL) sa pagtuturo ng asignaturang Filipino batay sa persepsyon ng mga guro. Ito ay sinuri sa limang dimensiyon: kamalayang pansarili, pamamahala ng

emosyon, kamalayang panlipunan, kasanayan sa pakikipag-ugnayan, at responsableng pagpapasya. Samantala, ang dependyenteng baryabol ay ang antas ng kritikal na pag-iisip ng mga mag-aaral sa asignaturang Filipino, na sinuri sa apat na dimensiyon: pagsusuri ng impormasyon, lohikal na pangangatwiran, ebalwasyon ng ideya at argumento, at pagbubuo ng matalinong konklusyon.

Sa pamamagitan ng disenyong ito, nailalarawan ang lawak ng aplikasyon ng sosyo-emosyonal na literasiya (SEL) sa pagtuturo ng Filipino at nasusuri kung may kaugnayan ito sa antas ng kritikal na pag-iisip ng mga mag-aaral. Ang mga natuklasan ng pag-aaral ay magsisilbing batayan sa pagbuo ng mga rekomendasyong pedagogikal para sa pagpapaunlad ng pagtuturo ng Filipino at sa higit pang pagpapalalim ng kritikal na pag-iisip ng mga mag-aaral.

2.2 Respondante ng Pananaliksik

Ang mga kalahok sa pag-aaral ay binubuo ng tatlong (30) guro sa asignaturang Filipino at siyamnapung (90) mag-aaral mula sa mga piling paaralan sa Dibisyon ng Lungsod ng Gingoog. Ang bilang ng mga guro ay itinuring na sapat para sa pag-aaral sapagkat ang mga gurong ito ang nakatugon sa itinakdang pamantayan sa mga piling paaralan sa sampung distrito ng Dibisyon ng Lungsod ng Gingoog.

Samantala, ang bilang ng mag-aaral ay itinakda batay sa disenyo ng pag-aaral na kumukuha ng tig-tatlong mag-aaral mula sa bawat gurong kalahok upang magkaroon ng kaukulang katambal na datos para sa pagsusuri ng ugnayan ng dalawang baryabol. Bagama't hindi nito kinakatawan ang buong populasyon ng mga mag-aaral sa dibisyon, ang estratehiyang ito ay sapat sa konteksto ng deskriptibo-korelasyonal na disenyo ng pag-aaral, lalo na't ang tuon ay ang pagbuo ng pares ng datos sa antas ng bawat gurong kalahok at ng kaugnay na datos mula sa mga mag-aaral.

Upang mabawasan ang pagkiling sa pagpili ng mga mag-aaral at mapalakas ang pagiging patas sa pagpili ng sampol, mula sa bawat gurong kalahok ay isinama ang tatlong (3) mag-aaral sa pag-aaral upang masukat ang antas ng kritikal na pag-iisip. Ang tatlong kalahok sa bawat klase ay pinili sa pamamagitan ng simpleng random sampling mula sa opisyal na talaan ng klase ng gurong kalahok. Sa ganitong paraan, naiiwasan ang lubusang pagdepende sa personal na pagpili ng guro.

Gayunman, kinikilala ng mananaliksik na ang isa sa mga pamantayan sa pagpili ng mga gurong kalahok—ang pagdalo sa mga seminar o pagsasanay na may kaugnayan sa sosyo-emosyonal na literasiya (SEL)—ay maaaring magdulot ng mas mataas na antas ng kamalayan at persepsyon sa kanilang sariling aplikasyon ng SEL kumpara sa mga karaniwang guro. Dahil dito, isinasaalang-alang ang posibilidad ng selection bias sa pag-interpret ng mga resulta ng pag-aaral.

Ang Talahanayan 1 ay nagpapakita ng distribusyon ng mga gurong kalahok at mga mag-aaral ayon sa mga lugar na sakop ng pag-aaral sa sampung distrito sa Dibisyon ng Gingoog City. Isinagawa ang maayos na proseso ng paghingi ng pahintulot upang matiyak ang etikal na pagsasagawa ng pag-aaral, lalo na't hindi lamang mga guro ang mga respondente kundi maging ang ilan sa mga tinuruang mag-aaral.

Talahanayan 1: *Distribusyon ng mga Kalahok.*

Distrito	Bilang ng mga Guro sa Asignaturang Filipino	Bilang ng mga Mag-aaral
North I	3	9
North II	3	9
North III	3	9
East I	3	9
East II	3	9
West I	3	9
West II	3	9
West III	3	9
South I	3	9
South II	3	9
Total	30	90

2.3 Lokasyon ng Pag-aaral

Isinagawa ang pag-aaral sa mga piling paaralan sa Dibisyon ng Lungsod ng Gingoog, Rehiyon X, Hilagang Mindanao, Pilipinas. Pinili ang lugar na ito sapagkat ito ang lokal na konteksto ng pag-aaral kung saan nais siyasatin ang antas ng aplikasyon ng sosyo-emosyonal na literasiya (SEL) sa pagtuturo ng Filipino at ang antas ng kritikal na pag-iisip ng mga mag-aaral sa Junior High School.

Natatanging mahalaga ang Dibisyon ng Lungsod ng Gingoog bilang lugar ng pananaliksik sapagkat binubuo ito ng mga paaralang nagmumula sa iba't ibang distrito na may magkakaibang kalagayang panlipunan at pang-edukasyon. Dahil dito, nakapagbibigay ito ng

mas kontekstwalisado at komprehensibong larawan ng pagpapatupad ng Sosyo-Emosyonal na Literasiya (SEL) sa pagtuturo ng Filipino sa antas ng Junior High School.

Bilang lokal na konteksto ng mananaliksik, mahalaga ang lugar na ito bilang pinagkukunan ng empirikal na datos upang matukoy kung paano naiuugnay ang mga praktikang panturo sa aktuwal na antas ng kritikal na pag-iisip ng mga mag-aaral. Sa ganitong paraan, higit na magiging angkop at nakaangkla sa pangangailangan at kalagayan ng mga paaralan sa dibisyong ito ang mga rekomendasyong mabubuo mula sa pag-aaral.

2.4 Instrumento ng Pananaliksik

Ang Dalawang pangunahing instrumento ang ginamit sa pag-aaral upang masukat ang mga baryabol: (1) istrukturadong talatanungan para sa mga guro; at (2) pagsusulit sa kritikal na pag-iisip para sa mga mag-aaral.

Ang istrukturadong talatanungan ay ginamit upang matukoy ang antas ng aplikasyon ng sosyo-emosyonal na literasiya (SEL) sa pagtuturo ng asignaturang Filipino. Ang mga pahayag sa talatanungan ay nakaayon sa limang dimensiyon ng Sosyo-emosyonal na Literasiya (SEL): kamalayang pansarili, pamamahala ng emosyon, kamalayang panlipunan, kasanayan sa pakikipag-ugnayan, at responsableng pagpapasya.

Ang instrumento ay binuo ng mananaliksik o researcher-made, batay sa mga kaugnay na literatura at estandarisadong sukatan ng SEL, at isinakonteksto sa pagtuturo ng Filipino sa antas ng Junior High School. Ang pagsusulit sa kritikal na pag-iisip, na binuo rin ng mga mananaliksik batay sa mga kasanayang inaasahang malilinan sa mga mag-aaral sa asignaturang Filipino, ay ginamit upang masukat ang antas ng kritikal na pag-iisip ng mga mag-aaral sa asignaturang ito. Ang pagsusulit ay binubuo ng mga aytem na nakaayon sa apat na dimensiyon: pagsusuri ng impormasyon, lohikal na pangangatwiran, ebalwasyon ng ideya at argumento, at pagbubuo ng matalinong konklusyon.

Upang higit pang matiyak ang balidong nilalaman ng mga instrumento, isinailalim ang mga ito sa masusing pagsusuri ng mga dalubhasa sa larangan ng pananaliksik, pagtuturo ng Filipino, at pagsukat at ebalwasyon. Sinuri ng mga tagapagbalidasyon ang mga instrumento batay sa antas ng kalinawan, kaugnayan, at kaangkupan ng bawat aytem sa mga dimensiyong sinusukat. Batay sa resulta ng ebalwasyon, nakapagtagmo ang bawat pamantayan ng mataas na antas ng kaangkupan na nagbunga ng Content Validity Index (CVI) na 1.00. Ipinahihiwatig

nito na ang mga instrumento ay nagtataglay ng napakataas na antas ng content validity at nararapat gamitin sa kasalukuyang pag-aaral. Bukod dito, isinama rin sa pagrerebisa ng mga instrumento ang mahahalagang mungkahi at rekomendasyon ng mga eksperto bago isagawa ang pilot testing at ang reliability analysis.

Bilang karagdagan, ang pagsusulit sa kritikal na pag-iisip ay sinasamahan ng Talahanayan ng Espesipikasyon (TOS) upang maipakita ang malinaw na pagkakatugma ng bawat aytem sa kasanayang sinusukat at sa nilalaman ng asignaturang Filipino.

Isinagawa rin ang pilot testing upang masuri ang pagiging maaasahan ng mga instrumento. Ang pilot test ay isinagawa sa anim (6) na guro sa Filipino at labing-walong (18) mag-aaral mula sa Medina Comprehensive National High School, Dibisyon ng Misamis Oriental, na hindi kalahok sa mismong pag-aaral ngunit may katulad na katangian ng target na kalahok.

Upang matiyak ang pagiging maaasahan ng talatanungan sa Sosyo-emosyonal na Literasiya (SEL), isinagawa ang reliability testing gamit ang Cronbach's alpha batay sa mga tugon ng anim na gurong kalahok sa pilot test. Ang resulta ay nagpakita ng alpha coefficient na 0.841, na nagpapahiwatig ng mataas o mabuting antas ng internal consistency ng instrumento. Samakatuwid, ang talatanungan ay maituturing na maaasahan at angkop na kagamitan sa pangangalap ng datos para sa kasalukuyang pag-aaral.

Ang pagsusulit sa kritikal na pag-iisip ay isinailalim din sa reliability testing gamit ang Kuder-Richardson Formula 20 (KR-20), na angkop para sa mga dichotomous na aytem. Batay sa mga tugon ng labingwalong mag-aaral sa pilot test, nakakuha ang instrumento ng KR-20 coefficient na 0.734, na nagpapahiwatig ng katanggap-tanggap na antas ng pagiging maaasahan. Ipinahihiwatig nito na ang pagsusulit ay may sapat na pagiging maaasahan upang gamitin sa pagsukat ng kritikal na pag-iisip ng mga mag-aaral sa pag-aaral na ito.

2.5. Istatistikong Ginamit sa Pag-aaral

Ginamit sa pag-aaral ang mga naaangkop na estadistikal na pamamaraan batay sa bawat suliranin ng pananaliksik upang masuri nang wasto at obhetibo ang mga nakalap na datos. Sa pamamagitan ng mga pamamaraang ito, natitiyak ang sistematiko at mapagkakatiwalaang interpretasyon ng mga resulta ng pag-aaral.

Upang matukoy ang antas ng aplikasyon ng sosyo-emosyonal na literasiya (SEL) sa pagtuturo ng asignaturang Filipino batay sa persepsyon ng mga guro, ginamit ang weighted

mean. Ang pamamaraang ito ay angkop sa mga tugon mula sa Likert na iskala at nagsilbing batayan sa pagtukoy ng pangkalahatang antas ng bawat dimensiyon ng sosyo-emosyonal na literasiya (SEL).

Upang matukoy ang antas ng kritikal na pag-iisip ng mga mag-aaral batay sa mga resulta sa pagsusulit, ginamit ang Mean Percentage Score (MPS). Ito ay higit na angkop sapagkat ang ginamit na instrumento para sa mga mag-aaral ay isang pagsusulit at hindi isang talatanungang persepsyon. Sa pamamagitan ng MPS, natukoy ang antas ng pagganap ng mga mag-aaral sa bawat dimensiyon ng kritikal na pag-iisip, kabilang ang pagsusuri ng impormasyon, lohikal na pangangatwiran, ebalwasyon ng mga ideya at argumento, at pagbuo ng matalinong konklusyon.

Upang matukoy kung may makabuluhang ugnayan sa pagitan ng antas ng aplikasyon ng Sosyo-emosyonal na Literasiya (SEL) at antas ng kritikal na pag-iisip ng mga mag-aaral, ginamit ang Pearson Product-Moment Correlation Coefficient o Pearson r . Ang estadistikang ito ay ginamit upang masukat ang lakas at direksiyon ng linear na ugnayan ng dalawang baryabol. Ang pagsusuri ay isinagawa sa antas ng kahalagahan na 0.05.

Batay sa mga natuklasan ng estadistikal na pagsusuri, lalo na sa paglalarawan ng antas ng dalawang baryabol at sa resulta ng ugnayan ng mga ito, bumuo ng mga rekomendasyong pedagogikal na maaaring magsilbing gabay sa pagpapaunlad ng pagtuturo ng Filipino at sa higit pang paglinang ng kritikal na pag-iisip ng mga mag-aaral.

3. RESULTA AT DISKUSYON

Suliranin 1. Ano ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino batay sa persepsyon ng mga guro, kung isasaalang-alang ang mga sumusunod na dimensyon: 1.1. kamalayang pansarili; 1.2. pamamahala ng emosyon; 1.3. kamalayang panlipunan; 1.4. kasanayan sa pakikipag-ugnayan; at 1.5. responsableng pagpapasya?

Kamalayang Pansarili

Inilalahad sa Talahanayan 4 ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino sa dimensyon ng kamalayang pansarili. Sinusukat ito sa pamamagitan ng apat na indikador na tumutukoy sa mga gawaing naglalayong malinang ang pagkilala ng mga mag-aaral sa sariling damdamin, pananaw,

kalakasan, at kahinaan kaugnay ng kanilang pagkatuto at pag-unawa sa mga tekstong pampanitikan at di-pampanitikan. Mahalaga ang dimensyong ito sapagkat nakatutulong ito sa pagpapaunlad ng kakayahan ng mga mag-aaral na maging mulat sa sariling emosyon, pag-uugali, at paraan ng pagkatuto, na maaaring makaapekto sa partisipasyon at pagganap sa klase.

Talahanayan 4: *Antas ng Paglalapat ng Sosyo-Emosyonal na Literasiya (SEL) sa Pagtuturo ng Asignaturang Filipino: Dimensyon ng Kamalayang Pansarili.*

Mga Indikador	Mean	Deskripsyon	Paglalarawang Berbal
1. Natutulungan ko ang mga mag-aaral na matukoy at maipahayag ang kanilang damdamin kaugnay ng binabasang teksto (<i>Hal. reflective journal, reaction paper, damdaming kolum</i>).	4.57	Lubos na Sumasang-ayon	Napakataas
2. Isinasama ko sa talakayan ang pagninilay ng mga mag-aaral sa sariling pananaw at karanasan na may kaugnayan sa paksa (<i>Hal. think-pair-share, personal na repleksiyon bago talakayan</i>).	4.83	Lubos na Sumasang-ayon	Napakataas
3. Hinihikayat ko ang mga mag-aaral na kilalanin ang kanilang lakas at kahinaan sa pag-unawa at pagsusuri ng teksto (<i>Hal. self-assessment checklist, listahan ng mga natutunan</i>).	4.60	Lubos na Sumasang-ayon	Napakataas
4. Binibigyan ko ng pagkakataon ang mga mag-aaral na ipahayag ang sariling interpretasyon at saloobin sa isang isyu o akda (<i>Hal. pagbabahagi ng opinyon, pagsusulat ng journal prompt, exit slip</i>).	4.83	Lubos na Sumasang-ayon	Napakataas
Pangkalahatan Mean	4.71	Lubos na Sumasang-ayon	Napakataas
Saklaw:			
Range	Halagang Katumbas	Deskripsyon	
Berbal na Paglalarawan			
4.21 – 5.0	5	Lubos na	Sumasang-ayon
Napakataas			
3.41 – 4.20	4	Sumasang-ayon	
Mataas			

2.61 – 3.40 Katamtaman	3	Hindi	Tiyak
1.81 – 2.60 Mababa	2	Hindi	Sumasang-ayon
1.00 – 1.80 Napakababa	1	Lubos na Hindi	Sumasang-ayon

Batay sa talahanayan, ang pangkalahatang mean na 4.71, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapakita na mataas ang antas ng aplikasyon ng Sosyo-emosyonal na Literasiya (SEL) sa dimensyon ng kamalayang pansarili. Ipinahihiwatig nito na karaniwan nang naisasama ng mga gurong respondente ang mga estratehiyang humihikayat sa pagninilay, pagpapahayag ng saloobin, at pagkilala sa sariling karanasan bilang bahagi ng pagtuturo ng Filipino.

Dalawang indikador ang nakapagtala ng pinakamataas na mean na 4.83, ang pagsasama ng pagninilay ng mga mag-aaral batay sa kanilang sariling pananaw at karanasan, at ang pagbibigay ng pagkakataong maipahayag nila ang kanilang sariling interpretasyon at saloobin hinggil sa isang isyu o akda. Ipinakikita nito na higit na naipatutupad ng mga guro ang mga gawaing nakasentro sa repleksiyon at personal na pagpapahayag. Mahalaga ito sapagkat nakatutulong ang ganitong mga gawain sa mga mag-aaral upang maging higit na mulat sa kanilang iniisip at nararamdaman habang nakikipag-ugnayan sa teksto, na mahalaga sa paglinang ng mas malalim na pag-unawa at kritikal na pag-iisip (Juma, 2024).

Samantala, ang indikador na “Natutulungan ko ang mga mag-aaral na matukoy at maipahayag ang kanilang damdamin kaugnay ng binabasang teksto” ang may pinakamababang mean na 4.57, bagama’t nananatili pa rin ito sa antas na “Napakataas.” Ipinahihiwatig nito na may puwang pa para sa higit na pagpapalalim ng mga gawaing tuwirang humihikayat sa emosyonal na pagpapahayag ng mga mag-aaral. Mahalaga ang aspektong ito sapagkat ang malinaw na pagproseso at pagpapahayag ng damdamin ay maaaring magsilbing tulay tungo sa mas masusing pag-unawa sa konteksto at kahulugan ng mga akdang pampanitikan (Pentón, 2024).

Sa kabuuan, ipinakikita ng resulta na mataas ang aplikasyon ng Sosyo-emosyonal na Literasiya (SEL) sa dimensyon ng kamalayang pansarili, partikular sa paggamit ng mga gawaing replektibo at interpretatibo. Ipinahihiwatig nito na epektibong naisasama ng mga guro ang mga estratehiyang humuhubog sa pag-unawa ng mga mag-aaral sa kanilang

damdamin at karanasan. Bilang implikasyon, mahalagang higit pang paigtingin ang mga gawaing nakatuon sa direktang pagpapahayag ng emosyon upang mapalalim ang pag-unawa ng mga mag-aaral sa teksto at sa kanilang sariling proseso ng pagkatuto, alinsunod sa pananaw nina Belete at Mussa (2021) na ang personal na karanasan at emosyon ay mahalagang bahagi ng makahulugang pagkatuto.

Pamamahala ng Emosyon bilang Dimensyon ng Sosyo-emosyonal na Literasiya

Makikita sa Talahanayan 5 ang antas ng aplikasyon ng Sosyo-emosyonal na Literasiya (SEL) sa dimensyon ng pamamahala ng emosyon sa pagtuturo ng asignaturang Filipino. Saklaw ng dimensyong ito ang pagkontrol ng damdamin, mahinahong pagpapahayag ng saloobin, pagtanggap sa puna, at paglinang ng tiyaga at disiplina sa pagbuo ng ideya. Mahalaga ito sapagkat nakatutulong sa mga mag-aaral na mapaunlad ang kakayahang pamahalaan ang kanilang emosyon at asal sa iba't ibang gawaing pampagkatuto, lalo na sa mga sitwasyong nangangailangan ng kritikal na pag-iisip, pakikipag-ugnayan, at pagharap sa mga hamon sa pag-aaral.

Talahanayan 5 *Antas ng Paglalapat ng Sosyo-Emosyonal na Literasiya (SEL) sa Pagtuturo ng Filipino: Pamamahala ng Emosyon.*

Mga Indikador	Mean	Deskripsyon	Paglalarawang Berbal
1. Tinuturuan ko ang mga mag-aaral na pamahalaan ang kanilang emosyon sa oras ng diskusyon, lalo na sa sensitibong paksa (Hal. <i>paggamit ng discussion rules, pause-and-reflect strategy</i>).	4.43	Lubos na Sumasang-ayon	Napakataas
2. Ipinapakita ko ang wastong paraan ng lohikal at mahinahong pagpapahayag ng saloobin (Hal. <i>Modelong sagot ng guro, sentence starters para sa diskusyon</i>).	4.50	Lubos na Sumasang-ayon	Napakataas
3. Ginagabayan ko ang mga mag-aaral na harapin ang pagkakamali o puna sa kanilang gawain nang positibo (Hal. <i>Konstraktib na feedback, pagrerebisa</i>).	4.47	Lubos na Sumasang-ayon	Napakataas
4. Isinasama ko ang mga gawain na humuhubog sa tiyaga at disiplina sa pagbuo ng ideya (Hal. <i>step-by-step writing process, draft-revision approach</i>).	4.40	Lubos na Sumasang-ayon	Napakataas

Pangkalahatan Mean	4.45	Lubos na Sumasang-ayon	Napakataas
---------------------------	-------------	-------------------------------	-------------------

Ipinakikita ng talahanayan na ang pangkalahatang mean na 4.45, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapahiwatig ng mataas na antas ng aplikasyon ng Sosyo-emosyonal na Literasiya (SEL) sa dimensyon ng pamamahala ng emosyon. Ibig sabihin, karaniwan nang naisasagawa ng mga guro ang mga estratehiyang nagtataguyod ng mahinahon, organisado, at responsableng pagharap ng mga mag-aaral sa mga gawaing pangklase, lalo na sa mga diskusyong nangangailangan ng pagpipigil sa damdamin at maingat na pangangatwiran.

Ang pinakamataas na mean na 4.50 ay naitala sa indikador na “Ipinapakita ko ang wastong paraan ng lohikal at mahinahong pagpapahayag ng saloobin.” Ipinahihiwatig nito na malaki ang papel ng guro bilang modelo ng maingat at mahinahong komunikasyon sa loob ng silid-aralan. Mahalaga ang pagmomodelo ng ganitong asal sa paglinang ng self-management sapagkat tinutulungan nito ang mga mag-aaral na maayos na maiangkop ang kanilang damdamin at paraan ng pagpapahayag sa konteksto ng akademikong talakayan (Daclan & Baguio, 2025). Sa kabilang banda, ang indikador na “Isinasama ko ang mga gawain na humuhubog sa tiyaga at disiplina sa pagbuo ng ideya” ang may pinakamababang mean na 4.40, bagama’t nasa antas pa rin ito ng “Napakataas.” Ipinahihiwatig nito na bagama’t naipatatupad ang mga gawaing may kaugnayan sa tiyaga at disiplina, maaari pa itong higit pang mapalawak at mapalalim. Mahalaga ito sapagkat ang pagtitiyaga at disiplina ay may direktang ambag sa kakayahan ng mga mag-aaral na magproseso ng mga komplikadong ideya at makabuo ng lohikal na argumento (Ferrer et al., 2026).

Sa kabuuan, malinaw na mataas ang antas ng aplikasyon ng Sosyo-emosyonal na Literasiya (SEL) sa dimensyon ng pamamahala ng emosyon. Bilang implikasyon, mainam na higit pang palakasin ang mga gawaing humuhubog sa emosyonal na regulasyon, pagtitiyaga, at pagpapatuloy sa gawaing akademiko upang mas maging sistematiko ang paglinang ng kasanayang ito sa asignaturang Filipino. Ang obserbasyong ito ay sinusuportahan ng pahiwatig ni Alesna-Tuñacao (2024) na kailangan pang paigtingin ang integrasyon ng mga gawaing may malinaw na ugnayan sa emosyonal na pagpapahayag at pagtitiyaga sa pagtuturo.

Kamalayang Panlipunan bilang Dimensyon ng Sosyo-emosyonal na Literasiya

Inilalahad sa Talahanayan 6 ang antas ng aplikasyon ng Sosyo-emosyonal na Literasiya (SEL) sa dimensyon ng kamalayang panlipunan. Tinutukoy ng mga indikador sa bahaging ito ang mga gawaing humihikayat sa paggalang sa iba't ibang pananaw, pag-unawa sa karanasan ng iba, pagsasaalang-alang sa kontekstong panlipunan at kultural ng akda, at pagkilala sa epekto ng wika at argumento sa lipunan. Sa pamamagitan ng mga gawaing ito, nahihikayat ang mga mag-aaral na maging mas bukas ang isipan sa iba't ibang perspektiba at magkaroon ng mas malalim na pag-unawa sa mga isyung panlipunang nakapaloob sa mga tekstong binabasa. Mahalaga rin ang dimensyong ito sa paghubog ng empatiya at responsableng pakikisalamuha, na nagsisilbing mahalagang salik sa pagpapaunlad ng kritikal na pag-iisip at kamalayang panlipunan.

Talahanayan 6: *Antas ng Paglalapat ng Sosyo-Emosyonal na Literasiya (SEL) sa Pagtuturo ng Filipino: Kamalayang Panlipunan.*

Mga Indikador	Mean	Deskripsyon	Paglalarawang Berbal
1. Itinataguyod ko ang paggalang sa iba't ibang pananaw ng mga mag-aaral sa pagsusuri ng teksto (Hal. <i>structured na diskurso sa klase, mga patnubay sa positibo at konstruktibong pagbibigay ng feedback</i>).	4.50	Lubos na Sumasang-ayon	Napakataas
2. Ginagamit ko ang mga akdang Filipino upang mapaunlad ang empatiya at pag-unawa sa karanasan ng iba (Hal. <i>pagsusuri ng tauhan, role-playing, character diary</i>).	4.43	Lubos na Sumasang-ayon	Napakataas
3. Hinihikayat ko ang mga mag-aaral na isaalang-alang ang kontekstong panlipunan at kultural ng akda (Hal. <i>contextual analysis, backgrounding activity</i>).	4.33	Lubos na Sumasang-ayon	Napakataas
4. Tinutulungan ko ang mga mag-aaral na maunawaan ang epekto ng wika, ideya, at argumento sa lipunan (Hal. <i>pagsusuri ng isyung panlipunan sa sanaysay o talumpati</i>).	4.77	Lubos na Sumasang-ayon Lubos na Sumasang-ayon	Napakataas
Pangkalahatan Mean	4.51	Lubos na Sumasang-ayon	Napakataas

Batay sa resulta, ang pangkalahatang mean na 4.51, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapakita na mataas ang antas ng aplikasyon ng Sosyo-emosyonal na Literasiya (SEL) sa dimensyon ng kamalayang panlipunan. Ipinahihiwatig nito na binibigyan ng mga guro ng mahalagang puwang ang mga gawaing nag-uugnay sa tekstong binabasa at sa mas malawak na realidad panlipunan, na mahalaga sa paghubog ng mga mag-aaral bilang mapanuring mambabasa at mamamayan.

Ang indikator na may pinakamataas na mean na 4.77 ay “Tinutulungan ko ang mga mag-aaral na maunawaan ang epekto ng wika, ideya, at argumento sa lipunan.” Ipinakikita nito na mabisang naiuugnay ng mga guro ang mga aralin sa Filipino sa mga usaping panlipunan at sa implikasyon ng wika sa paghubog ng kamalayan. Sa ganitong paraan, nagiging higit na makabuluhan ang pag-aaral ng asignatura sapagkat hindi lamang nilalaman ang sinusuri kundi pati na rin ang epekto nito sa lipunan (Caballero, 2025).

Samantala, ang indikator na “Hinihikayat ko ang mga mag-aaral na isaalang-alang ang kontekstong panlipunan at kultural ng akda” ang nakakuha ng pinakamababang mean na 4.33, bagama’t nananatili pa rin sa antas na “Napakataas.” Ipinahihiwatig nito na maaari pang paigtingin ang paggamit ng mga estratehiyang tumutulong sa mga mag-aaral na masusing suriin ang pinagmulan, layunin, at konteksto ng mga tekstong binabasa. Mahalaga ito sapagkat ang pag-unawa sa panlipunan at kultural na konteksto ng akda ay nakatutulong sa mas malalim na interpretasyon at mas matatag na paghatol sa nilalaman nito (Changcai et al., 2025; Galas & Brazil, 2025).

Sa kabuuan, ipinakikita ng mga resulta na mataas ang antas ng aplikasyon ng Sosyo-emosyonal na Literasiya (SEL) sa dimensyon ng kamalayang panlipunan, lalo na sa pag-uugnay ng wika at ideya sa mga usaping panlipunan. Bilang implikasyon, makabubuting higit pang linangin ang mga gawaing nakatuon sa pagsusuri ng kontekstong panlipunan at kultural ng akda upang mas mapahusay ang empatiya, pag-unawa sa iba’t ibang pananaw, at panlipunang kamalayan ng mga mag-aaral.

Kasanayan sa Pakikipag-ugnayan bilang Dimensyon ng Sosyo-emosyonal na Literasiya
Makikita sa Talahanayan 7 ang antas ng aplikasyon ng Sosyo-emosyonal na Literasiya (SEL) sa dimensyon ng kasanayan sa pakikipag-ugnayan sa pagtuturo ng asignaturang Filipino. Kabilang sa mga indikator nito ang paggamit ng mga gawaing pangkat, paggabay sa magalang na pagsang-ayon at pagtutol, pagpapahalaga sa aktibong pakikinig, at paggalang sa

ambag ng bawat kasapi sa pangkat. Sa pamamagitan ng mga gawaing ito, nahuhubog ang kakayahan ng mga mag-aaral na makipagtalastasan nang maayos at makapagbahagi ng ideya sa isang magalang at konstruktibong paraan. Mahalaga rin ang dimensyong ito sa pagpapaunlad ng kooperasyon, pagtutulungan, at positibong pakikipag-ugnayan ng mga mag-aaral sa kanilang mga kamag-aral sa loob ng silid-aralan.

Talahanayan 7: *Antas ng Paglalapat ng Sosyo-Emosyonal na Literasiya (SEL) sa Pagtuturo ng Filipino: Kasanayan sa Pakikipag-ugnayan.*

Mga Indikador	Mean	Deskripsyon	Paglalarawang Berbal
1. Isinasagawa ko ang mga gawaing pangkat na humihikayat sa kolaborasyon at bukas na komunikasyon (<i>Hal. group analysis, collaborative writing</i>).	4.77	Lubos na Sumasang-ayon	Napakataas
2. Ginagabayan ko ang mga mag-aaral sa magalang na pagpapahayag ng pagsang-ayon o pagtutol (<i>Hal. debate na may gabay, discourse markers</i>).	4.63	Lubos na Sumasang-ayon	Napakataas
3. Pinahahalagahan ko ang aktibong pakikinig sa loob ng talakayan sa klase (<i>Hal. turn-taking, listening task, peer feedback</i>).	4.60	Lubos na Sumasang-ayon	Napakataas
4. Tinuturuan ko ang mga mag-aaral na igalang ang ambag ng bawat kasapi sa pangkat (<i>Hal. role assignment sa grupo, peer evaluation</i>).	4.73	Lubos na Sumasang-ayon	Napakataas
Pangkalahatan Mean	4.68	Lubos na Sumasang-ayon	Napakataas

Ipinakikita ng resulta na ang pangkalahatang mean na 4.68, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapakita ng mataas na antas ng aplikasyon ng sosyo-emosyonal na literasiya (SEL) sa dimensyon ng kasanayan sa pakikipag-ugnayan. Ipinahihiwatig nito na malakas ang pagtutok ng mga guro sa mga gawaing nagpapasigla ng kolaborasyon, komunikasyon, at maayos na ugnayan sa loob ng silid-aralan.

Ang pinakamataas na mean na 4.77 ay para sa indikador na “Isinasagawa ko ang mga gawaing pangkat na humihikayat sa kolaborasyon at bukas na komunikasyon.” Ipinapakita nito na malawak na naisasama ng mga guro ang kooperatibong pagkatuto bilang mahalagang

estrategiya sa pagtuturo ng Filipino. Mahalaga ang ganitong dulong sapagkat nakatutulong ito sa paglinang ng bukas na komunikasyon, pagtutulungan, at responsableng pakikilahok ng mga mag-aaral sa mga gawain sa klase (Majadly & Yahya, 2024).

Sa kabilang dako, ang indikador na “Pinahahalagahan ko ang aktibong pakikinig sa loob ng talakayan sa klase” ang may pinakamababang mean na 4.60, bagama’t nasa antas pa rin ng “Napakataas.” Ipinahihiwatig nito na may puwang pa para sa mas masinsinang pagpapaunlad ng aktibong pakikinig bilang mahalagang bahagi ng kasanayan sa pakikipag-ugnayan. Sa asignaturang Filipino, mahalaga ang kasanayang ito sapagkat nakaugat dito ang kakayahan ng mga mag-aaral na unawain ang iba’t ibang pananaw bago makabuo ng matibay na argumento at makabuluhang tugon (Aguilar, 2024).

Sa kabuuan, ipinakikita ng resulta na mataas ang antas ng aplikasyon ng Sosyo-emosyonal na Literasiya (SEL) sa dimensyon ng kasanayan sa pakikipag-ugnayan. Bilang implikasyon, makabubuting patuloy na palakasin ng mga guro ang mga gawaing pangkat at diskursong nakapokus sa bukas na komunikasyon, kasabay ng higit na pagbibigay-diin sa aktibong pakikinig upang mas mapagyaman ang interpersonal na kasanayan at kritikal na pag-iisip ng mga mag-aaral (Karmina et al., 2024).

Responsableng Pagpapasya bilang Dimensyon ng Sosyo-emosyonal na Literasiya

Inilalahad sa Talahanayan 8 ang antas ng aplikasyon ng Sosyo-emosyonal na Literasiya (SEL) sa dimensyon ng responsableng pagpapasya sa pagtuturo ng asignaturang Filipino. Saklaw ng mga indikador nito ang paggabay sa mga mag-aaral sa pagbuo ng pasya batay sa ebidensya, pagsusuri sa lohikal at etikal na batayan ng argumento, pagtitimbang ng iba’t ibang pananaw, at pagsasaalang-alang sa posibleng epekto ng ideya o pasya. Sa pamamagitan ng mga gawaing ito, nahahasa ang kakayahan ng mga mag-aaral na mag-isip nang mapanuri at gumawa ng mga pagpapasyang may sapat na batayan at pananagutan. Mahalaga rin ang dimensyong ito sapagkat nakatutulong ito sa paghubog ng pagiging makatarungan, responsable, at maingat ng mga mag-aaral sa pagharap sa iba’t ibang sitwasyong akademiko at panlipunan.

Talahanayan 8 Antas ng Paglalapat ng Sosyo-Emosyonal na Literasiya (SEL) sa Pagtuturo ng Filipino: Responsableng Pagpapasya.

Mga Indikador	Mean	Deskripsyon	Paglalarawang Berbal
1. Hinahamon ko ang mga mag-aaral na	4.60	Lubos na	Napakataas

bumuo ng pasya batay sa ebidensya mula sa teksto (<i>Hal. claim–evidence–reasoning strategy</i>).		Sumasang-ayon	
2. Itinuturo ko ang kahalagahan ng lohikal at etikal na pagpapasya sa pagsusuri ng argumento (<i>Hal. pagsusuri ng bias, fallacy spotting</i>).	4.53	Lubos na Sumasang-ayon	Napakataas
3. Ginagabayan ko ang mga mag-aaral na timbangin ang iba’t ibang pananaw bago bumuo ng konklusyon (<i>Hal. pros-and-cons chart, comparative analysis</i>).	4.53	Lubos na Sumasang-ayon	Napakataas
4. Tinutulungan ko ang mga mag-aaral na isaalang-alang ang posibleng epekto ng kanilang ideya o pasya (<i>Hal. situational analysis, application question</i>).	4.60	Lubos na Sumasang-ayon	Napakataas
Pangkalahatan Mean	4.57	Lubos na Sumasang-ayon	Napakataas

Batay sa talahanayan, ang pangkalahatang mean na 4.57, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapahiwatig na mataas ang antas ng aplikasyon ng Sosyo-emosyonal na Literasiya (SEL) sa dimensyon ng responsableng pagpapasya. Ipinahihiwatig nito na karaniwang isinasama ng mga guro sa pagtuturo ng Filipino ang mga gawaing humahamon sa mga mag-aaral na magsuri ng ebidensya, magtimbang ng pananaw, at magpasya nang may pananagutan.

Dalawang indikador ang nakapagtala ng pinakamataas na mean na 4.60, ang paghahamon sa mga mag-aaral na bumuo ng pasya batay sa ebidensya mula sa teksto, at ang pagtulong sa kanila na isaalang-alang ang posibleng epekto ng kanilang ideya o pasya. Ipinakikita nito na binibigyang-diin ng mga guro ang kahalagahan ng ebidensiyang tekstuwal at ng pananagutang dulot ng bawat pasya. Mahalaga ang ganitong pagdulog sapagkat ang responsableng pagpapasya ay hindi lamang usapin ng pagpili kundi ng lohikal at etikal na paghatol sa mga posibleng bunga ng kilos (Chen et al., 2024).

Samantala, ang mga indikador na “Itinuturo ko ang kahalagahan ng lohikal at etikal na pagpapasya sa pagsusuri ng argumento” at “Ginagabayan ko ang mga mag-aaral na timbangin ang iba’t ibang pananaw bago bumuo ng konklusyon” ay kapwa may mean na 4.53. Bagama’t nananatili pa rin ito sa antas na “Napakataas,” ipinahihiwatig nito na maaari

pang higit pang mapalalim ang pagtuturo ng mga aspektong may kaugnayan sa etikal na pagsusuri at pagtitimbang ng iba't ibang pananaw. Mahalaga ito sapagkat ang mga gawaing ito ay tuwirang kaugnay sa paghubog ng mga mag-aaral na may kakayahang magpasya nang mapanuri at makatarungan (Alzahrani & Albiladi, 2025).

Sa kabuuan, ipinakikita ng resulta na epektibong naisasama ng mga guro ang Sosyo-emosyonal na Literasiya (SEL) sa pagpapaunlad ng responsableng pagpapasya ng mga mag-aaral sa asignaturang Filipino. Bilang implikasyon, makabubuting higit pang pagtibayin ang mga gawaing nakatuon sa etikal na pangangatwiran at masusing pagtitimbang ng mga pananaw upang higit pang mapalago ang mapanuring paghatol ng mga mag-aaral sa mga tekstong kanilang pinag-aaralan (Maglonzo et al., 2023).

Buod ng Antas ng Aplikasyon ng Sosyo-emosyonal na Literasiya (SEL)

Ipinakikita sa Talahanayan 9 ang kabuuang buod ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino sa limang mahahalagang dimensyon: kamalayang pansarili, pamamahala ng emosyon, kamalayang panlipunan, kasanayan sa pakikipag-ugnayan, at responsableng pagpapasya. Ang mga dimensyong ito ay nagsisilbing pundamental na balangkas sa paghubog ng mga mag-aaral na hindi lamang nakatuon sa kognitibong pagkatuto, kundi pati na rin sa kanilang emosyonal at panlipunang pag-unlad. Sa kontekstong pedagogikal, ipinakikita ng talahanayan ang lawak at lalim ng integrasyon ng SEL sa mga estratehiya ng pagtuturo ng Filipino, kung saan ang guro ay nagiging tagapagpadaloy ng mga karanasang pangkatuto na nagbibigay-diin sa pag-unawa sa sarili, empatiya, at makabuluhang interaksyon sa kapwa.

Higit pa rito, ang komprehensibong pagsusuri sa bawat dimensyon ay naglalantad ng ugnayan ng mga ito sa paglinang ng mga kasanayang komunikatibo at kritikal na pag-iisip ng mga mag-aaral. Halimbawa, ang kamalayang pansarili at pamamahala ng emosyon ay nag-aambag sa kakayahan ng mag-aaral na maipahayag nang malinaw ang kaniyang damdamin at ideya sa iba't ibang tekstong pampanitikan at pangkomunikasyon. Samantala, ang kamalayang panlipunan at kasanayan sa pakikipag-ugnayan ay nagtataguyod ng kolaboratibong pagkatuto, pagpapahalaga sa pananaw ng iba, at responsableng partisipasyon sa diskursong pangklase. Ang responsableng pagpapasya naman ay sumasalamín sa kakayahan ng mag-aaral na magsuri, magpasya, at kumilos batay sa etikal at panlipunang konsiderasyon.

Sa kabuuan, ipinakikita ng resulta na matibay ang aplikasyon ng Sosyo-emosyonal na Literasiya (SEL) sa dimensyon ng kamalayang pansarili, lalo na sa paggamit ng mga gawaing replektibo at interpretatibo, alinsunod sa isinagawang pag-aaral na sumunod sa malayang pahintulot, pagiging kumpidensyal at anonimo, boluntaryong partisipasyon, katapatan sa datos, at kawalan ng salungatan ng interes. Bilang implikasyon, maaaring higit pang pagyamanin ng mga guro ang mga estratehiyang nakatuon sa direktang pagpapahayag ng damdamin upang mas mapalalim ang pagdulog ng mga mag-aaral sa teksto at sa sarili nilang proseso ng pagkatuto. Ang ganitong direksiyon ay umaayon sa pananaw na ang pagpapahayag ng personal na karanasan at emosyon ay mahalagang bahagi ng makahulugang pagkatuto at pag-unawa sa binabasa (Belete & Mussa, 2021).gawing maikli at direkta ang pahayag pero akademiko at komprehensibo.

Talahanayan 9: Buod ng Antas ng Aplikasyon ng Sosyo-emosyonal na Literasiya (SEL) sa Pagtuturo ng Asignaturang Filipino .

Mga Indikador	Mean	Deskripsyon	Paglalarawang Berbal
1. Kamalayang Pansarili (Self-Awareness)	4.71	Lubos na Sumasang-ayon	Napakataas
2. Pamamahala ng Emosyon (Self-Management)	4.45	Lubos na Sumasang-ayon	Napakataas
3. Kamalayang Panlipunan (Social Awareness)	4.51	Lubos na Sumasang-ayon	Napakataas
4. Kasanayan sa Pakikipag-ugnayan (Relationship Skills)	4.68	Lubos na Sumasang-ayon	Napakataas
5. Responsableng Pagpapasya (Responsible Decision-Making)	4.57	Lubos na Sumasang-ayon	Napakataas
Pangkalahatan Mean	4.58	Lubos na Sumasang-ayon	Napakataas

Batay sa buod, ang pangkalahatang mean na 4.58, na may deskripsiyon na “Lubos na Sumasang-ayon” at berbal na paglalarawang “Napakataas,” ay nagpapakita na sa kabuuan ay mataas ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino. Ipinahihiwatig nito na naisasama ng mga guro ang iba’t ibang dimensyon ng SEL sa mga gawaing pampagtuturo, lalo na yaong may kaugnayan sa repleksiyon, pakikipag-ugnayan, at responsableng paghatol.

Sa limang dimensyon, ang kamalayang pansarili ang may pinakamataas na mean (4.71), na sinusundan ng kasanayan sa pakikipag-ugnayan (4.68). Ipinahihiwatig nito na epektibong naipatatupad sa silid-aralan ang mga gawaing nakatuon sa pagninilay, pagpapahayag ng

saloobin, at kolaborasyon. Samantala, bagama't nananatiling nasa antas na "Napakataas" ang pamamahala ng emosyon, ito ang nakapagtala ng pinakamababang mean na 4.45 kumpara sa iba pang dimensyon ng Sosyo-Emosyonal na Literasiya. Ipinahihiwatig nito na bagama't may mataas na kakayahan ang mga mag-aaral sa pagkontrol at regulasyon ng kanilang emosyon, kinakailangan pa rin ang mas masusi at komprehensibong pagpapaunlad ng aspektong ito. Maaaring nangangahulugan ito na may mga pagkakataong nahihirapan pa rin ang ilang mag-aaral sa pagpapanatili ng konsentrasyon, pagpipigil sa emosyonal na reaksiyon, at pagpapatuloy sa mga gawaing akademiko sa harap ng mga hamon, presyur, at suliraning intelektuwal. Dahil dito, mahalagang higit pang mapalakas ang dimensyong ito sa pamamagitan ng mga gawaing pampagkatuto na nakatuon sa pagpapaunlad ng pagpipigil sa damdamin, emosyonal na katatagan, pagtitiyaga, disiplina sa pag-iisip, at kakayahang magpokus sa masusing pagbuo at pagsusuri ng mga ideya. Sa ganitong paraan, higit na mahahasa ang kakayahan ng mga mag-aaral na mapanatili ang mahinahon, organisado, at mapanuring pag-iisip na mahalaga sa mas mataas na antas ng pagkatuto at kritikal na pag-iisip.

Sa pangkalahatan, ipinahihiwatig ng resulta na may matibay na potensiyal ang asignaturang Filipino bilang daluyan ng Sosyo-emosyonal na Literasiya (SEL), lalo na sa paglinang ng mga kasanayang may kaugnayan sa pagninilay, kooperasyon, at responsableng pagpapasya. Ang ganitong obserbasyon ay umaayon sa mga pag-aaral na nagpapakitang ang paggamit ng mga gawaing interaktibo at mapanuring diskurso sa loob ng klase ay may ambag sa pagpapaunlad ng sosyal, emosyonal, at kognitibong aspekto ng mga mag-aaral (Chen et al., 2024).

Gayunpaman, dapat isaalang-alang na ang mga resulta ay batay sa sariling ulat ng mga guro, kaya maaaring may impluwensiya ng self-report bias. Dahil dito, mahalagang higit pang paigtingin ang mga programang pang-propesyonal na pagpapaunlad, gaya ng LAC Sessions at In-Service Training (InSET), upang mapalalim at mapahusay ang sistematikong pag-unawa at aplikasyon ng Sosyo-emosyonal na Literasiya (SEL) sa pagtuturo ng Filipino (Aguilar, 2024; Alzahrani & Albiladi, 2025; Siraj et al., 2025).

Suliranin 2. Ano ang antas ng kritikal na pag-iisip ng mga mag-aaral sa asignaturang Filipino batay sa mga sumusunod na kasanayan: (2.1) pagsusuri ng impormasyon, (2.2) lohikal na pangangatwiran, (2.3) ebalwasyon ng ideya at argumento, at (2.4) pagbubuo

ng matalinong konklusyon?

Pagsusuri ng Impormasyon bilang Kasanayan sa Kritikal na Pag-iisip

Inilalahad sa Talahanayan 10 ang antas ng kritikal na pag-iisip ng mga mag-aaral sa asignaturang Filipino batay sa kasanayang pagsusuri ng impormasyon. Sinukat ang kasanayang ito gamit ang isang pagsusulit at inilalahad ang resulta sa pamamagitan ng Mean Percentage Score (MPS) upang higit na maipakita ang antas ng pagkatamo ng mga mag-aaral sa bawat aytem at sa kabuuang kasanayang sinusukat. Sa pamamagitan nito, natukoy ang lawak ng kakayahan ng mga mag-aaral sa pagsusuri, pag-unawa, at pag-uugnay ng mahahalagang impormasyon mula sa mga tekstong kanilang binabasa at sinusuri.

Talahanayan 10 *Antas ng Kritikal na Pag-iisip ng mga Mag-aaral sa Filipino: Pagsusuri ng Impormasyon.*

Mga Aytem	MPS	Deskripsyon	Paglalarawang Berbal
1. Natukoy ang kakulangan ng impormasyon (evidensya/sanggunian).	86.20	Lubhang Mahusay	Napakataas
2. Naipakita ang wastong hakbang sa beripikasyon ng impormasyon.	85.20	Lubhang Mahusay	Napakataas
3. Nakabuo ng angkop na tanong upang suriin ang pahayag.	83.00	Mahusay	Mataas
4. Natukoy ang obhetibong impormasyon.	88.00	Lubhang Mahusay	Napakataas
5. Naihahambing ang kredibilidad ng magkasalungat na impormasyon.	79.80	Mahusay	Mataas
Pangkalahatang MPS	84.44	Lubhang Mahusay	Napakataas
Saklaw:			
MPS Range		Deskripsyon	Berbal
na Paglalarawan			
84.20 – 100.00		Lubhang Mahusay	
Napakataas			
68.20 – 84.19		Mahusay	Mataas
52.20 – 68.19		Katamtamang Husay	Katamtaman
36.20 – 52.19		Hindi Gaanong Mahusay	Mababa
20.00 – 36.19		Nangangailangan ng Pagpapabuti	Napakababa

Batay sa talahanayan, ang pangkalahatang MPS na 84.44 ay may deskripsiyon na “Lubhang Mahusay” at berbal na paglalarawan na “Napakataas.” Ipinahihiwatig nito na sa kabuuan mas mahusay ang pagganap ng mga mag-aaral sa pagsusuri ng impormasyon, lalo na sa pagkilala sa sapat o kulang na batayan ng isang pahayag, sa beripikasyon ng datos, at sa pagtukoy ng

obhetibong impormasyon. Ipinakikita ng resultang ito na ang mga mag-aaral ay nakapagpapamalas ng matibay na pundasyon sa mapanuring pagbasa, isang kasanayang mahalaga sa pag-unawa at pagsusuri ng mga tekstong binabasa sa asignaturang Filipino.

Sa limang aytem, ang pinakamataas na MPS na 88.00 ay naitala sa aytem na “Natukoy ang obhetibong impormasyon.” Ipinahihiwatig nito na higit na bihasa ang mga mag-aaral sa pagkilala sa impormasyong nakabatay sa malinaw at mapapatunayang datos. Sa kabilang dako, ang pinakamababang MPS na 79.80 ay naitala sa aytem na “Naihahambing ang kredibilidad ng magkasalungat na impormasyon.” Bagama’t nananatili pa rin ito sa antas na “Mahusay,” ipinakikita nito na may bahagyang hamon pa sa mga mag-aaral sa paghahambing at mas masusing pagtitimbang ng kredibilidad ng magkakaibang sanggunian.

Bilang implikasyon, mahalagang ipagpatuloy at higit pang paigtingin ng mga guro ang paggamit ng mga gawaing nakatuon sa fact-checking, source evaluation, at paghahambing ng magkakaibang pahayag upang higit pang mahasa ang ganitong kasanayan, gaya ng binibigyang-diin sa mga pag-aaral nina Carambas at Tibaldo (2025) at Rahmi at Jamaluddin (2021).

Sa kabuuan, ipinakikita ng Talahanayan 10 na lubhang mahusay ang antas ng kritikal na pag-iisip ng mga mag-aaral sa pagsusuri ng impormasyon. Gayunman, makabubuting higit pang paunlarin ang kanilang kakayahang magsuri at maghambing ng kredibilidad ng magkasalungat na impormasyon upang mas maging matatag ang kanilang paghatol sa mas komplikadong sitwasyong akademiko at panlipunan.

Lohikal na Pangangatwiran bilang Kasanayan sa Kritikal na Pag-iisip

Samantala, inilalahad sa Talahanayan 11 ang antas ng kritikal na pag-iisip ng mga mag-aaral sa lohikal na pangangatwiran. Sinusukat sa bahaging ito ang kakayahan nilang bumuo ng lohikal na konklusyon, tukuyin ang sanhi at bunga, suriin ang kahinaan ng hindi lohikal na pangangatwiran, at ipaliwanag ang kahalagahan ng maayos na pangangatwiran sa pagbuo ng ideya.

Talahanayan 11: *Antas ng Paglalapat ng Kritikal na Pag-iisip ng mga Mag-aaral sa Filipino: Lohikal na Pangangatwiran.*

Mga Aytem	MPS	Deskripsyon	Paglalarawang Berbal
-----------	-----	-------------	----------------------

1. Nakabuo ng lohikal na konklusyon mula sa pahayag.	86.60	Lubhang Mahusay	Napakataas
2. Natukoy ang ugnayang sanhi at bunga.	83.60	Mahusay	Mataas
3. Nasuri ang kahinaan ng hindi lohikal na pangangatwiran.	82.00	Mahusay	Mataas
4. Natukoy ang wastong lohikal na pangangatwiran.	81.40	Mahusay	Mataas
5. Naipaliwanag ang kahalagahan ng lohikal na pangangatwiran.	80.85	Mahusay	Mataas
Pangkalahatang MPS	82.89	Mahusay	Mataas

Makikita sa talahanayan na ang pangkalahatang MPS na 82.89 ay may deskripsiyon na “Mahusay” at berbal na paglalarawan na “Mataas.” Ipinahihiwatig nito na sa kabuuan mas mahusay ang pagganap ng mga mag-aaral sa lohikal na pangangatwiran. Malinaw na kaya nilang mag-ugnay ng ideya at bumuo ng makatwirang konklusyon mula sa mga pahayag o datos, bagama’t may ilang bahagi pa ng kasanayang ito na nangangailangan ng mas higit na pagpapalalim.

Sa limang aytem, ang pinakamataas na MPS na 86.60 ay naitala sa aytem na “Nakabuo ng lohikal na konklusyon mula sa pahayag.” Ipinahihiwatig nito na may sapat na kakayahan ang mga mag-aaral na pagdugtungan ang mga ideya at ebidensiyang nasa teksto upang makabuo ng lohikal na pag-unawa o pasya. Sa kabilang banda, ang pinakamababang MPS na 80.85 ay naitala sa aytem na “Naipaliwanag ang kahalagahan ng lohikal na pangangatwiran.” Bagama’t kabilang pa rin ito sa antas na “Mahusay,” ipinakikita nito na mas hamon para sa mga mag-aaral ang tahasang pagpapaliwanag ng kabuluhan ng lohikal na pangangatwiran kaysa sa aktuwal na paggamit nito sa pagsagot.

Bilang implikasyon, mahalagang palakasin ang mga gawaing humihikayat sa metakognisyon, gaya ng reflective writing, pagpapaliwanag ng proseso ng pangangatwiran, at pag-uugnay ng mga desisyon sa aktuwal na karanasan. Ang ganitong pagdulog ay sinusupportahan ng mga pag-aaral nina Sinaga et al. (2023) at Handayani et al. (2023), na kapwa nagbibigay-diin sa kahalagahan ng pagpapaliwanag at repleksiyon sa pag-unlad ng lohikal na pag-iisip.

Sa kabuuan, ipinakikita ng Talahanayan 11 na mataas ang antas ng kritikal na pag-iisip ng mga mag-aaral sa lohikal na pangangatwiran, lalo na sa pagbuo ng mga konklusyon. Gayunman, kinakailangan pang higit na paunlarin ang kanilang kakayahang magpaliwanag ng kabuluhan at proseso ng lohikal na pangangatwiran upang higit na mapalakas ang malay at

mapanuring paggamit nito sa iba't ibang konteksto ng pagkatuto.

Ebalwasyon ng Ideya at Argumento bilang Kasanayan sa Kritikal na Pag-iisip

Ipinapakita sa Talahanayan 12 ang antas ng kritikal na pag-iisip ng mga mag-aaral sa ebalwasyon ng mga ideya at argumento. Sinusukat dito ang kanilang kakayahang tukuyin ang mga kakulangan sa argumento, kilalanin ang sumusuportang ebidensya, suriin ang lakas at kahinaan ng magkaibang pananaw, tukuyin ang bias, at ipaliwanag ang layunin ng ebalwasyon.

Talahanayan 12: *Antas ng Aplikasyon ng Kritikal na Pag-iisip ng mga Mag-aaral sa Asignaturang Filipino sa Ebalwasyon ng Ideya at Argumento.*

Mga Aytem	MPS	Deskripsyon	Paglalarawang Berbal
1. Natukoy ang kakulangan sa argumento (ebidensya).	72.30	Mahusay	Mataas
2. Natukoy ang ebidensyang magpapatibay sa argumento.	69.60	Mahusay	Mataas
3. Nasuri ang lakas at kahinaan ng magkaibang argumento.	66.20	Katamtamang Husay	Katamtaman
4. Natukoy ang bias sa argumento.	65.40	Katamtamang Husay	Katamtaman
5. Naipaliwanag ang layunin ng ebalwasyon ng ideya.	65.40	Katamtamang Husay	Katamtaman
Pangkalahatang MPS	67.78	Katamtamang Husay	Katamtaman

Batay sa mga resulta, ang pangkalahatang MPS na 67.78 ay may deskripsiyon na “Katamtamang Husay” at berbal na paglalarawan na “Katamtaman.” Ipinahihiwatig nito na ito ang pinakahinang dimensiyon ng kritikal na pag-iisip sa mga kasanayang sinukat sa pag-aaral. Ang resulta ay nagpapakita na bagama’t may batayang kakayahan ang mga mag-aaral sa pagsusuri ng mga argumento, hindi pa ganap na napauunlad ang kanilang kakayahang humusga sa mas masalimuot na aspeto ng ideya, lalo na sa pagkilala sa pagkiling at sa pagtitimbang ng lakas at kahinaan ng magkakaibang argumento.

Ang pinakamataas na MPS na 72.30 ay naitala sa aytem na “Natukoy ang kakulangan sa argumento (ebidensya).” Ipinakikita nito na higit na mahusay ang mga mag-aaral sa pagtukoy kung kulang o mahina ang batayan ng isang pahayag. Sa kabilang banda, ang pinakamababang MPS na 65.40 ay kapwa naitala sa aytem na “Natukoy ang bias sa argumento” at “Naipaliwanag ang layunin ng ebalwasyon ng ideya.”

Ipinahihiwatig nito na nahihirapan pa ang mga mag-aaral sa mas abstraktong antas ng pagsusuri, partikular sa pagkilala sa mga implicit na pagkiling at sa pag-unawa sa mas malalim na layunin ng ebalwasyon. Bilang implikasyon, kinakailangan ang mas malinaw, sistematiko, at tuloy-tuloy na pagtuturo ng mga konseptong ito sa pamamagitan ng konkretong halimbawa, paghahambing ng iba't ibang teksto, at mga gawaing humahamon sa mapanuring paghatol.

Ang obserbasyong ito ay sinusuportahan ng mga pag-aaral nina Fajardo (2023), Jimenez et al. (2024), at Fajariyanti et al. (2024), na nagpapakita na ang ebalwasyon ng argumento ay nananatiling isa sa mga aspektong nangangailangan ng higit na masinsinan at sistematikong pagsasanay upang higit na malinang ang kritikal na pag-iisip, analitikal na pagsusuri, at kakayahang makapagbigay ng lohikal at matibay na paghuhusga. Ipinahihiwatig din ng mga pag-aaral na mahalagang mapaunlad ang kasanayang ito sa pamamagitan ng patuloy na paglalapat ng mga gawaing nakatuon sa pagsusuri, pag-aanalisa, at pagbuo ng matibay na batayan ng argumento upang makamit ang mas mataas na antas ng pag-unawa at akademikong pagganap ng mga mag-aaral.

Sa kabuuan, ipinapakita ng Talahanayan 12 na katamtaman lamang ang antas ng kritikal na pag-iisip ng mga mag-aaral sa bawat pagsusuri ng ideya at argumento. Ipinahihiwatig nito na nararapat pang higit pang pagtuunan ng pansin ang dimensiyong ito sa pagtuturo ng Filipino, lalo na sa paglinang ng mga gawaing nakatuon sa pagsusuri ng bias, masusing pag-aanalisa ng iba't ibang pananaw, at paggamit ng ebidensya sa paghuhusga sa mga argumento.

Pagbuo ng Matalinong Konklusyon bilang Kasanayan sa Kritikal na Pag-iisip

Ipinakikita sa Talahanayan 13 ang antas ng kritikal na pag-iisip ng mga mag-aaral sa pagbuo ng matalinong konklusyon. Kasama sa mga kasanayang sinusukat sa bahaging ito ang pagbuo ng balanseng konklusyon, wastong pagsulat ng konklusyon, pagsasaalang-alang sa ebidensya, at pagsusuri sa mga katangian at pamantayan ng isang mahusay na konklusyon.

Talahanayan 13: *Antas ng Paglalapat ng Kritikal na Pag-iisip ng mga Mag-aaral sa Filipino: Pagbuo ng Matalinong Konklusyon.*

Mga Aytem	MPS	Deskripsyon	Paglalarawang Berbal
1. Nakabuo ng balanseng konklusyon.	88.40	Lubhang Mahusay	Napakataas
2. Naunawaan ang wastong pagsulat ng	86.20	Lubhang	Napakataas

konklusyon.		Mahusay	
3. Naisaalang-alang ang ebidensya sa pagbubuo ng konklusyon.	84.87	Lubhang Mahusay	Napakataas
4. Natukoy ang katangian ng matalinong konklusyon.	81.80	Mahusay	Mataas
5. Nasuri ang wastong pagbubuo ng konklusyon.	81.80	Mahusay	Mataas
Pangkalahatang MPS	84.67	Lubhang Mahusay	Napakataas

Batay sa talahanayan, ang pangkalahatang MPS na 84.67 ay may deskripsiyong “Lubhang Mahusay” at berbal na paglalarawang “Napakataas.” Ipinahihiwatig nito na sa lahat ng sinusukat na dimensiyon ng kritikal na pag-iisip, ang pagbubuo ng matalinong konklusyon ang may pinakamataas na antas ng pagganap. Ipinapakita rin nito na may sapat na kakayahan ang mga mag-aaral sa pagsisintesis ng impormasyon at pagbuo ng mga konklusyong may lohikal at makabuluhang batayan.

Ang pinakamataas na MPS na 88.40 ay naitala sa aytem na “Nakabuo ng balanseng konklusyon.” Ipinahihiwatig nito na mahusay ang mga mag-aaral sa pagbibigay ng konklusyong isinasaalang-alang ang iba’t ibang pananaw at ebidensya. Samantala, ang pinakamababang MPS na 81.80 ay kapwa naitala sa aytem na “Natukoy ang katangian ng matalinong konklusyon” at “Nasuri ang wastong pagbubuo ng konklusyon.” Bagama’t nananatili pa rin ito sa antas na “Mahusay,” nagpapakita ito na may puwang pa para sa higit pang pagpapalalim ng kanilang pag-unawa sa mga pamantayan at estruktura ng mahusay na konklusyon.

Bilang implikasyon, mahalagang patuloy na gamitin ng mga guro ang mga gawaing analitikal at replektibong pagsulat, gayundin ang mga gabay na pagsusuri at pabalik-puna, upang higit pang mapatatag ang kasanayang ito. Ang obserbasyong ito ay naaayon sa mga pag-aaral nina Lansangan at Orleans (2024) at Yuliasrin et al. (2023), na pawang nagpapakita ng kahalagahan ng sistematikong pagsasanay sa pagbuo at pagsusuri ng mga konklusyon.

Sa kabuuan, ipinakikita ng Talahanayan 13 na napakataas ang antas ng pagganap ng mga mag-aaral sa pagbubuo ng matalinong konklusyon. Gayunman, makabubuting higit pang paunlarin ang kakayahang tukuyin at suriin ang mga katangian ng mahusay na konklusyon upang higit pang mapalalim ang kalidad ng kanilang paghatol at ang sintesis ng impormasyon. Mahalaga ring bigyang-diin na ang pagbuo ng konklusyon ay hindi lamang

simpleng paglalagom ng mga ideya, kundi isang masalimuot na prosesong kognitibo na nangangailangan ng masusing pagsusuri, lohikal na pangangatwiran, at integrasyon ng mga ebidensiyang nakalap mula sa iba't ibang sanggunian. Sa pamamagitan ng patuloy na paglinang sa kasanayang ito, nahuhubog ang kakayahan ng mga mag-aaral na makabuo ng mas obhetibo, mapanuri, at makatotohanang interpretasyon ng mga impormasyon at sitwasyong kanilang kinakaharap.

Dagdag pa rito, ang mataas na antas ng pagganap sa aspektong ito ay maaaring magpahiwatig ng pagiging epektibo ng mga estratehiyang pampagtuturo na nakatuon sa kritikal at mapanuring pag-iisip. Gayunpaman, nananatiling mahalaga ang pagbibigay ng mga gawaing magpapalawak sa kakayahan ng mga mag-aaral sa pagsusuri ng argumento, pagtitimbang ng mga pananaw, at pag-uugnay ng mga konsepto upang makabuo ng mas matibay at makabuluhang konklusyon. Sa ganitong paraan, higit na mapauunlad hindi lamang ang kanilang akademikong pagganap kundi maging ang kanilang kakayahang gumawa ng responsableng pagpapasya at makatwirang paghatol sa tunay na buhay.

Buod ng Antas ng Aplikasyon ng kritikal na pag-iisip ng mga mag-aaral sa Asignaturang Filipino

Ipinakikita sa Talahanayan 14 ang buod ng antas ng kritikal na pag-iisip ng mga mag-aaral sa asignaturang Filipino batay sa apat na pangunahing kasanayan: pagsusuri ng impormasyon, lohikal na pangangatwiran, ebalwasyon ng ideya at argumento, at pagbubuo ng matalinong konklusyon.

Talahanayan 14: Buod ng Antas ng Aplikasyon ng kritikal na pag-iisip ng mga mag-aaral sa Asignaturang Filipino.

Mga Aytem	MPS	Deskripsyon	Paglalarawang Berbal
1. pagsusuri ng impormasyon	84.44	Lubhang Mahusay	Napakataas
2. lohikal na pangangatwiran	82.89	Mahusay	Mataas
3. ebalwasyon ng ideya at argumento	67.78	Katamtamang Husay	Katamtaman
4. pagbubuo ng matalinong konklusyon	84.67	Lubhang Mahusay	Napakataas
Pangkalahatang MPS	79.95	Mahusay	Mataas

Batay sa resulta, ang pangkalahatang MPS na 79.95 ay may deskripsiyong “Mahusay” at berbal na paglalarawang “Mataas.” Ipinahihiwatig nito na mataas ang kabuuang antas ng

kritikal na pag-iisip ng mga mag-aaral sa asignaturang Filipino. Gayunpaman, hindi pantay ang pagganap sa iba't ibang dimensiyon. Sa apat na kasanayan, ang pagbubuo ng matalinong konklusyon ang may pinakamataas na MPS na 84.67, na sinusundan ng pagsusuri ng impormasyon na may 84.44. Kapwa ito ay may deskripsiyong “Lubhang Mahusay” at berbal na paglalarawang “Napakataas.” Ipinapakita nito na higit na mahusay ang mga mag-aaral sa pagsisintesis ng impormasyon at pagbuo ng lohikal na konklusyon kaysa sa masusing pagsusuri at paghatol sa mga argumento.

Sa kabilang banda, ang ebalwasyon ng ideya at argumento ang may pinakamababang MPS na 67.78, na may deskripsiyon na “Katamtamang Husay” at berbal na paglalarawang “Katamtaman.” Ipinahihiwatig nito na bagama’t may batayang kakayahan ang mga mag-aaral sa pagsusuri at paghatol, hindi pa ganap na nahuhubog ang kanilang kakayahan sa masusing pag-aanalisa ng bias, lakas at kahinaan ng argumento, at lohikal na pagtitimbang ng mga pananaw.

Bilang implikasyon, mahalagang pagtuunan ng higit na pansin ng mga guro ang pagdidisenyo ng mga gawaing nakatuon sa ebalwasyon ng ideya at argumento, katulad ng paggamit ng mga tekstong may magkaibang pananaw, pagsasanay sa pangangatwiran may ebidensya, at mga gawaing diskursibo na humahamon sa mas malalim na pag-iisip. Ang ganitong pangangailangan ay sinusuportahan ng mga pag-aaral nina Hidayat et al. (2023), Saul et al. (2020), Az-Zahra et al. (2021), at Efendi et al. (2023), na nagpapakita na ang kasanayan sa ebalwasyon ay mahalagang salik sa paghubog ng mas matatag na kritikal na pag-iisip.

Sa kabuuan, ipinakikita ng Talahanayan 14 na mataas ang pangkalahatang antas ng kritikal na pag-iisip ng mga mag-aaral sa asignaturang Filipino. Gayunman, nananatiling malinaw na kailangang higit pang paunlarin ang kasanayan sa ebalwasyon ng mga ideya at argumento upang makamit ang mas balanseng pag-unlad sa lahat ng dimensiyon ng kritikal na pag-iisip. Sa kontekstong ito, mahalagang maiugnay ang mga gawaing pampagkatuto sa mga estratehiyang nagtataguyod ng mas malalim na pagsusuri, mapanuring paghatol, at lohikal na pagtitimbang ng mga pananaw, upang higit pang mapalakas ang kalidad ng pagkatuto sa asignaturang Filipino.

Buod ng Antas ng Aplikasyon ng Sosyo-emosyonal na Literasiya at Pangkalahatang Antas ng Kritikal na Pag-iisip

Ipinapakita ng Talahanayan 15 ang buod ng mga pangunahing resulta ng Suliranin 1 at 2.

Inilahad dito ang pangkalahatang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ang antas ng kritikal na pag-iisip ng mga mag-aaral. Sa kabuuan, ipinakikita nito ang pangkalahatang larawan ng dalawang pangunahing baryabol sa pag-aaral.

Talahanayan 15: Buod ng Antas ng Aplikasyon ng Sosyo-emosyonal na Literasiya at Pangkalahatang Antas ng Kritikal na Pag-iisip.

Mga Baryabol/Dimensyon	Iskor	Deskripsyon	Paglalarawang Berbal
1. Antas ng aplikasyon ng Sosyo-emosyonal na Literasiya	4.58	Lubos na Sumasang-ayon	Napakataas
2. Pangkalahatang Antas ng Kritikal na Pag-iisip	79.95	Mahusay	Mataas

Batay sa resulta, ipinapakita sa Talahanayan 15 ang buod ng antas ng aplikasyon ng sosyo-emosyonal na literasiya at ng mga pangkalahatang antas ng kritikal na pag-iisip. Makikita na ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino ay may pangkalahatang mean na 4.58, na may deskripsiyon na “Lubos na Sumasang-ayon” at berbal na paglalarawang “Napakataas.” Ipinahihiwatig nito na sa kabuuan ay lubos na naisasama ng mga guro ang mga estratehiyang may kaugnayan sa sosyo-emosyonal na literasiya sa pagtuturo ng Filipino. Samantala, ang pangkalahatang antas ng kritikal na pag-iisip ng mga mag-aaral ay may MPS na 79.95, na may deskripsiyon na “Mahusay” at berbal na paglalarawan na “Mataas.” Ipinahihiwatig nito na, sa kabuuan, mas mataas ang antas ng kritikal na pag-iisip ng mga mag-aaral sa asignaturang Filipino batay sa kanilang mga pagsusulit.

Sa paghahambing ng dalawang pangunahing resulta, kapansin-pansin na kapwa mataas ang antas ng aplikasyon ng Sosyo-emosyonal na Literasiya (SEL) at ang antas ng kritikal na pag-iisip ng mga mag-aaral, bagama’t magkaiba ang ginamit na panukat at pamantayan sa interpretasyon. Ipinakikita nito na sa konteksto ng pag-aaral, ang mga guro ay nagpapamalas ng napakataas na antas ng paglalapat ng mga gawaing may kaugnayan sa sosyo-emosyonal na literasiya, samantalang ang mga mag-aaral naman ay nagpapakita ng mataas na antas ng kasanayan sa kritikal na pag-iisip.

Bilang implikasyon, ipinahihiwatig ng buod na ito na may matibay na batayan upang ipagpatuloy at higit pang paigtingin ang paggamit ng mga estratehiyang may kaugnayan sa

sosyo-emosyonal na literasiya sa pagtuturo ng asignaturang Filipino, kasabay ng mas masusing pagdidisenyo ng mga gawaing humahasa sa kritikal na pag-iisip ng mga mag-aaral.

Sa kabuuan, ipinahihiwatig ng Talahanayan 15 na positibo ang naging resulta ng dalawang pangunahing baryabol sa pag-aaral. Gayunpaman, mahalagang tandaan na bagama't kapwa mataas ang antas ng mga ito, hindi ito awtomatikong nangangahulugan ng pagkakaroon ng tuwirang estadistikang ugnayan. Sa ganitong pagtingin, nagsisilbi ang buod na ito bilang pangkalahatang paglalarawan ng antas ng aplikasyon ng Sosyo-emosyonal na Literasiya (SEL) sa pagtuturo at ng antas ng kritikal na pag-iisip ng mga mag-aaral sa asignaturang Filipino, at hindi bilang patunay ng tuwirang ugnayan ng dalawa.

Suliranin 3. Mayroon bang makabuluhang ugnayan sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ng antas ng kritikal na pag-iisip ng mga mag-aaral?

Ipinapakita sa Talahanayan 16 ang resulta ng pagsusuri sa ugnayan sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ng antas ng kritikal na pag-iisip ng mga mag-aaral. Ginamit sa pagsusuring ito ang Pearson Product-Moment Correlation Coefficient (Pearson r) upang matukoy kung may estadistikang makabuluhang ugnayan sa pagitan ng dalawang baryabol. Ang antas ng aplikasyon ng Sosyo-emosyonal na Literasiya (SEL) ay kinakatawan ng pangkalahatang iskor ng mga gurong kalahok, samantalang ang antas ng kritikal na pag-iisip ng mga mag-aaral ay kinakatawan ng kanilang Mean Percentage Score (MPS) batay sa isinagawang pagsusulit.

Talahanayan 16: Ugnayan ng Paglalapat ng Sosyo-Emosyonal na Literasiya sa Pagtuturo ng Filipino at Kritikal na Pag-iisip ng mga Mag-aaral.

Mga Baryabol	df	r-value	p-value	Hatol sa Ho	Interpretasyon
Antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at antas ng kritikal na pag-iisip ng mga mag-aaral	28	0.1435	0.449	Tinanggap ang null haypotesis	Walang makabuluhang ugnayan

Batay sa resulta ng korelasyonal na pagsusuri, ang nabuong r -value na 0.1435 at p -value na 0.449 ay nagpapahiwatig na walang estadistikong makabuluhang ugnayan sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino

at ng antas ng kritikal na pag-iisip ng mga mag-aaral. Samakatuwid, tinanggap ang null hypothesis.

Bagama't parehong mataas ang antas ng paglalapat ng SEL at ang ilang dimensiyon ng kritikal na pag-iisip, hindi ito awtomatikong nangangahulugan na ang pagtaas ng isa ay may tuwirang kaugnayan sa pagtaas ng isa pa sa antas ng estadistika. Ipinahihiwatig nito na maaaring may iba pang salik na nakaaapekto sa pag-unlad ng kritikal na pag-iisip ng mga mag-aaral, tulad ng estratehiyang panturo, kalidad ng mga gawaing pampagkatuto, uri ng tekstong ginagamit, lawak ng eksposyur sa argumentasyon, at paraan ng pagtataya. Sa kontekstong ito, mahalagang tingnan ang Sosyo-emosyonal na Literasiya (SEL) bilang suportang kondisyon sa pagkatuto, sa halip na tanging salik na nagpapaliwanag ng mataas o mababang antas ng kritikal na pag-iisip.

Bilang implikasyon, ipinahihiwatig ng resulta na hindi sapat na tingnan lamang ang antas ng aplikasyon ng Sosyo-emosyonal na Literasiya (SEL) bilang hiwalay na salik sa pagpapaliwanag ng kritikal na pag-iisip ng mga mag-aaral. Higit na makabubuting siyasatin sa mga susunod na pag-aaral ang iba pang posibleng salik na maaaring namamagitan o nakaaapekto sa ugnayang ito, tulad ng disenyo ng gawain, uri ng tekstong ginagamit sa Filipino, lawak ng pagsasanay sa argumentasyon, at kalidad ng paggabay ng guro. Mahalaga ring isaalang-alang ang paggamit ng mas malawak na bilang ng kalahok at karagdagang pamamaraang mapagpapatibay ang resulta upang higit na maunawaan ang masalimuot na ugnayan sa pagitan ng Sosyo-emosyonal na Literasiya (SEL) at kritikal na pag-iisip sa konteksto ng asignaturang Filipino

Suliranin 4. Ano-anong rekomendasyong pedagogikal ang maaaring mabuo batay sa mga natuklasan ng pag-aaral hinggil sa aplikasyon ng sosyo-emosyonal na literasiya (SEL) at sa antas ng kritikal na pag-iisip ng mga mag-aaral?

Batay sa mga natuklasan ng pag-aaral, walang makabuluhang ugnayan ang namalas sa pagitan ng antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino at ng antas ng kritikal na pag-iisip ng mga mag-aaral. Gayunman, ipinakita rin ng mga resulta na mataas ang antas ng aplikasyon ng Sosyo-emosyonal na Literasiya (SEL) sa pagtuturo at mataas din ang antas ng kritikal na pag-iisip sa ilang dimensiyon, partikular sa pagsusuri ng impormasyon at pagbubuo ng matalinong konklusyon.

Sa kabilang dako, lumitaw na ang ebalwasyon ng ideya at argumento ang may pinakamababang antas sa apat na dimensiyong sinuri. Dahil dito, sa halip na bumuo ng interbensyon, higit na angkop na magmungkahi ng mga rekomendasyong pedagogikal na maaaring magsilbing gabay sa mga guro sa Filipino upang higit pang mapahusay ang mga kasanayang may kaugnayan sa kritikal na pag-iisip ng mga mag-aaral, lalo na sa argumentasyon, pagsusuri ng ideya, at pagbuo ng mapanuring paghatol (Hidayat et al., 2023; Saul et al., 2020; Az-Zahra et al., 2021; Efendi et al., 2023).

a. Palakasin ang mga gawaing nakatuon sa pag-eebalwasyon ng mga ideya at argumento.

Dahil ito ang pinakamababang dimensiyon ng kritikal na pag-iisip na natukoy sa pag-aaral, mahalagang magdisenyo ang mga guro ng mga gawaing humahasa sa kakayahan ng mga mag-aaral na tukuyin ang bias, timbangin ang lakas at kahinaan ng mga argumento, at magbigay ng paghatol batay sa sapat na ebidensya. Maaaring gamitin dito ang pagsusuri ng magkasalungat na teksto, structured debate, at mga gawaing may format na claim-evidence-reasoning. Ang mga ganitong gawaing pampagkatuto ay makatutulong sa pagpapalalim ng kasanayan ng mga mag-aaral sa mapanuring paghatol at lohikal na pagsusuri ng mga pananaw (Fajardo, 2023; Jimenez et al., 2024; Fajariyanti et al., 2024).

b. Gamitin ang Sosyo-emosyonal na Literasiya (SEL) bilang suporta sa mapanuring talakayan sa klase.

Bagama't walang napatunayang makabuluhang ugnayan sa antas ng estadistika, nananatiling mahalaga ang sosyo-emosyonal na literasiya (SEL) sa paglikha ng ligtas, suportibo, at makabuluhang kapaligiran sa pagkatuto. Maaaring gamitin ng mga guro ang mga estratehiyang may kaugnayan sa kamalayang pansarili, kasanayan sa pakikipag-ugnayan, at responsableng pagpapasya upang mahikayat ang mga mag-aaral na magpahayag ng opinyon nang may paggalang, paninindigan, at kahandaang makinig sa iba't ibang pananaw. Sa ganitong paraan, nagiging mas buo ang pakikilahok ng mga mag-aaral sa diskurso, kahit hindi tuwirang nakita ang estadistikang ugnayan nito sa kritikal na pag-iisip sa kasalukuyang pag-aaral (Leonard & Woodland, 2022; Cabahug et al., 2024; Tang et al., 2023; Huynh et al., 2023).

c. Magbigay ng mas maraming gawaing argumentatibo sa asignaturang Filipino.

Iminumungkahing palawakin ang paggamit ng debate, panel discussion, pagsusuri ng editorial, reaksiyong papel, at pagbuo ng posisyong papel upang malinang ang lohikal na

pangangatwiran at ebalwasyon ng argumento. Sa pamamagitan nito, nagkakaroon ang mga mag-aaral ng mga pagkakataong magsanay sa pagbuo at pagtatanggol ng sariling pananaw gamit ang malinaw na ebidensya. Ang ganitong mga gawaing nakatuon sa argumentasyon ay mahalaga sa pagpapatibay ng kakayahan ng mga mag-aaral sa lohikal na pangangatwiran at masusing ebalwasyon ng mga ideya (Sinaga et al., 2023; Handayani et al., 2023; Az-Zahra et al., 2021).

d. Paigtingin ang pagsasanay ng mga guro sa pagdidisenyo ng mga gawaing humahasa sa kritikal na pag-iisip.

Makatutulong ang mga seminar, Learning Action Cell (LAC), at In-Service Training (InSET) na nakatuon sa integrasyon ng Sosyo-emosyonal na Literasiya (SEL) at kritikal na pag-iisip sa pagtuturo ng Filipino. Maaaring tumuon ang mga gawaing ito sa pagbuo ng mga tanong na mas mataas ang antas ng pag-iisip, paggamit ng rubric sa argumentasyon, at pagdidisenyo ng mga tekstual at diskursibong gawaing nakaayon sa pagsusuri, ebalwasyon, at pagbuo ng konklusyon. Sa pamamagitan nito, higit na mapatitibay ang kakayahan ng guro na iugnay ang mga estratehiya ng Sosyo-emosyonal na Literasiya (SEL) sa mga gawaing may tuwirang kaugnayan sa paglinang ng kritikal na pag-iisip (Cabahug et al., 2024; Tang et al., 2023; Huynh et al., 2023).

e. Iayon ang mga kasangkapan sa pagtataya sa layunin ng paglinang ng kritikal na pag-iisip.

Mahalagang matiyak na ang mga pagsusulit, gawain, at rubrics na ginagamit sa asignaturang Filipino ay higit na tumutugon sa mga kasanayang tulad ng pagsusuri ng impormasyon, lohikal na pangangatwiran, ebalwasyon ng ideya at argumento, at pagbuo ng matalinong konklusyon. Sa ganitong paraan, mas nagiging malinaw ang ugnayan ng pagtuturo, pagkatuto, at pagtataya. Maaari ring palawakin ang paggamit ng mga gawaing humihiling ng source evaluation, argument analysis, at conclusion building upang maging higit na nakaayon ang pagtataya sa aktuwal na kasanayang nais linangin sa mga mag-aaral (Carambas & Tibaldo, 2025; Rahmi & Jamaluddin, 2021; Maab et al., 2024; Yuliasrin et al., 2023).

f. Magsagawa ng mga susunod na pag-aaral na susuri sa iba pang salik na maaaring makaapekto sa kritikal na pag-iisip.

Dahil walang napatunayang makabuluhang ugnayan sa pagitan ng Sosyo-emosyonal na Literasiya (SEL) at kritikal na pag-iisip sa kasalukuyang pag-aaral, iminumungkahi ang mga susunod na pananaliksik na maaaring magsama ng iba pang salik tulad ng estratehiyang

panturo, uri ng tekstong ginagamit, lawak ng eksposyur sa argumentasyon, kalidad ng pagtataya, at iba pang kontekstuwal na baryabol. Ang ganitong direksiyon ay makatutulong sa higit pang masusing pag-unawa sa masalimuot na ugnayan ng mga salik na nakaaapekto sa pag-unlad ng kritikal na pag-iisip sa asignaturang Filipino (Leonard & Woodland, 2022; Tang et al., 2023; Hidayat et al., 2023; Efendi et al., 2023).

4. BUOD, KONKLUSYON AT REKOMNDASYON

4.1 BUOD

Naglalayon ang pag-aaral na ito na matukoy ang antas ng aplikasyon ng Sosyo-emosyonal na Literasiya (SEL) sa pagtuturo ng asignaturang Filipino batay sa persepsyon ng mga guro, kasabay ng antas ng kritikal na pag-iisip ng mga mag-aaral sa apat na kasanayan: pagsusuri ng impormasyon, lohikal na pangangatwiran, ebalwasyon ng ideya at argumento, at pagbubuo ng matalinong konklusyon. Sinuri rin kung may makabuluhang ugnayan sa pagitan ng aplikasyon ng sosyo-emosyonal na literasiya (SEL) at kritikal na pag-iisip ng mga mag-aaral.

Gumamit ang pag-aaral ng deskriptibo-korelasyonal na disenyo. Lumahok ang tatlong (30) guro sa asignaturang Filipino na sumagot sa talatanungan tungkol sa antas ng aplikasyon ng Sosyo-emosyonal na Literasiya (SEL). Sa bahagi naman ng mga mag-aaral, pumili ang bawat guro ng tatlong mag-aaral na sumagot sa pagsusulit sa kritikal na pag-iisip. Sa kabuuan, siyamnapung (90) mag-aaral ang lumahok sa pagsusulit. Sinuri ang mga datos gamit ang weighted mean para sa antas ng aplikasyon ng Sosyo-emosyonal na Literasiya (SEL), Mean Percentage Score (MPS) para sa antas ng kritikal na pag-iisip ng mga mag-aaral, at ang Pearson r para sa pagsusuri ng ugnayan ng dalawang baryabol.

4.2 KONKLUSYON

Batay sa natuklasan, ang sumusunod na mga kongklusyon:

1. Mataas ang kakayahan ng mga guro sa asignaturang Filipino sa integrasyon ng Sosyo-Emosyonal na Literasiya sa kanilang pagtuturo, na nagpapakita ng kanilang kahandaan sa pagpapaunlad ng holistikong pagkatuto ng mga mag-aaral.
2. Mataas ang antas ng kritikal na pag-iisip ng mga mag-aaral, ngunit hindi pantay ang pag-unlad sa lahat ng kasanayan, lalo na sa pagsusuri ng mga ideya at argumento.
3. Batay sa pagsusuring estadistikal, tinanggap ang null hypothesis ng pag-aaral. Ibig sabihin, walang makabuluhang ugnayan sa pagitan ng antas ng aplikasyon ng sosyo-emosyonal na literasiya (SEL) sa pagtuturo ng asignaturang Filipino at ng antas ng kritikal na

pag-iisip ng mga mag-aaral. Samakatuwid, hindi maaaring ipalagay sa konteksto ng kasalukuyang pag-aaral na ang mataas na antas ng aplikasyon ng SEL ay awtomatikong kaugnay ng mataas na antas ng kritikal na pag-iisip.

4. Sa halip na bumuo ng isang hiwalay na interbensiyon, higit na angkop na maglatag ng mga rekomendasyong pedagohikal na nakatuon sa pagpapatibay ng mga estratehiyang pampagtuturo sa Filipino, lalo na yaong may kaugnayan sa ebalwasyon ng ideya at argumento, argumentasyon, pagsusuri ng bias, at makatuwirang paghatol.

Bago ilahad ang mga rekomendasyon, mahalagang isaalang-alang na ang kasalukuyang pag-aaral ay nakatuon lamang sa mga piling paaralan sa Dibisyon ng Lungsod ng Gingoog at gumamit ng sariling-ulat na talatanungan para sa mga guro at pagsusulit para sa mga mag-aaral.

Dagdag pa rito, ang paggamit ng tatlong mag-aaral bawat gurong kalahok at ang pamantayang nakadalo sa seminar hinggil sa Sosyo-emosyonal na Literasiya (SEL) para sa ilang gurong kalahok ay maaaring may implikasyon sa lawak ng representasyon at sa posibilidad ng pagkiling sa pagpili. Dahil dito, ang mga rekomendasyon ng pag-aaral ay dapat unawain sa konteksto ng mga limitasyong ito.

4.3 REKOMENDASYON

Batay sa kabuuang resulta at pagsusuri ng pag-aaral, natuklasan na ang integrasyon ng Sosyo-emosyonal na Literasiya (SEL) sa pagtuturo ng Filipino ay may mahalagang ambag sa pagpapaunlad ng kritikal na pag-iisip ng mga mag-aaral, partikular sa kanilang kakayahang magsuri ng impormasyon, magpahayag ng makatuwirang pananaw, magbigay ng sapat na ebidensiya, at mag-ebalwasyon ng mga ideya at argumento. Ipinakita rin ng pag-aaral na ang paglinang sa mga kasanayang ito ay hindi lamang nakabatay sa nilalaman ng aralin kundi maging sa mga estratehiya sa pagtuturo, uri ng gawaing pampagkatuto, at antas ng paggabay na natatanggap ng mga guro at mag-aaral sa loob ng proseso ng pagkatuto. Sa kontekstong ito, mahalagang maisakatuparan ang mas sistematiko, tuloy-tuloy, at kolaboratibong mga hakbangin upang higit pang mapatatag ang paggamit ng SEL bilang mahalagang salik sa pagpapahusay ng pagkatutong nakatuon sa mataas na antas ng pag-iisip.

Kaugnay nito, kinakailangang magkaroon ng aktibong partisipasyon at suporta mula sa iba't ibang stakeholder sa edukasyon gaya ng Sangay ng Pagpapaunlad ng Yamang-Tao ng Kagawaran ng Edukasyon, mga punong-guro, master teacher, guro sa asignaturang Filipino, at mga susunod na mananaliksik. Sa pamamagitan ng mga programang pangkapasidad, regular na paggabay, pagmomonitor, at pagpapatupad ng mga gawaing argumentatibo at

mapanuring pampagkatuto, higit na mapauunlad ang kakayahan ng mga mag-aaral sa mas malalim na pag-unawa, pagsusuri, at paghatol sa impormasyon at mga pananaw na kanilang kinakaharap. Higit pa rito, mahalaga ring ipagpatuloy ang mga pananaliksik na may kaugnayan sa kritikal na pag-iisip upang makapagbigay ng mas malawak at empirikal na batayan sa pagbuo ng mga polisiya, estratehiya, at kagamitang pampagtuturo na angkop sa kasalukuyang pangangailangan sa edukasyon. Dahil dito, inilahad ang mga sumusunod na rekomendasyon bilang gabay sa pagpapatibay ng integrasyon ng Sosyo-emosyonal na Literasiya (SEL) sa pagtuturo ng Filipino at sa patuloy na pagpapaunlad ng kritikal na pag-iisip ng mga mag-aaral.

1. Sangay ng Pagpapaunlad ng Yamang-Tao ng Kagawaran ng Edukasyon (DepEd), Rehiyon X, Dibisyon ng Gingoog

Inirerekomenda ang pagdidisenyo ng hindi bababa sa dalawang Learning Action Cell (LAC) sessions at isang In-Service Training (INSET) sa loob ng isang taong panuruan na nakatuon sa integrasyon ng Sosyo-emosyonal na Literasiya (SEL) sa pagtuturo ng Filipino. Maaaring tumuon ang mga gawaing ito sa pagdidisenyo ng mga gawaing argumentatibo, paggamit ng claim-evidence-reasoning format, pagsusuri ng bias, at pagbuo ng mga rubrics na sumusukat sa kritikal na pag-iisip.

2. Punongguro

Iminumungkahi ang regular na pagmamasid sa silid-aralan at paggabay pagkatapos ng kumperensiya kada quarter upang masubaybayan kung paano naisasama ng mga guro ang sosyo-emosyonal na literasiya (SEL) sa mga gawaing humahasa sa kritikal na pag-iisip, lalo na sa argumentasyon at pag-eebalwasyon ng mga ideya at mga argumento.

3. Master Teacher sa asignaturang Filipino

Inirerekomenda ang aktibong pagbuo ng buwanang sesyon ng paggabay para sa mga guro hinggil sa pagdidisenyo ng mga tekstuwal at diskursibong gawain na nakatuon sa pagsusuri ng pananaw, pagtukoy ng bias, at pagbibigay ng paghatol batay sa ebidensya.

4. Guro sa asignaturang Filipino

Hinihikayat ang mga guro sa asignaturang Filipino na magsagawa ng hindi bababa sa isang gawaing argumentatibo kada yunit, gaya ng debate, posisyong papel, pagsusuri ng editorial, o panel discussion, upang higit pang mapaunlad ang kasanayan ng mga mag-aaral sa pag-eebalwasyon ng mga ideya at argumento.

5. Susunod na Mananaliksik

Iminumungkahi ang pagsasagawa ng mga kaugnay na pag-aaral na susuri sa iba pang mga baryabol na maaaring makaapekto sa kritikal na pag-iisip ng mga mag-aaral, tulad ng antas ng pagbasa, estratehiya sa pagtuturo, at mga uri ng pagtataya. Makabubuti ring gumamit ng mas malawak na saklaw ng kalahok at iba pang disenyo ng pananaliksik upang higit pang mapagtibay ang mga natuklasan sa mga kasalukuyang pag-aaral. Maaari ring pagtuunan ng hiwalay na pag-aaral ang pagpino ng mga instrumentong sumusukat sa kritikal na pag-iisip, lalo na sa bahagi ng ebalwasyon ng mga ideya at argumento.

PASASALAMAT

Taos-pusong nagpapahayag ng pasasalamat ang mananaliksik sa lahat ng naging gabay at katuwang sa matagumpay na pagbuo ng pag-aaral na ito bilang bahagi ng pagtupad sa kinakailangan para sa antas ng Master of Education in Filipino.

Lubos na pinasasalamatan si Dr. Aida Abad, ang tagapayo, sa kanyang matalinong paggabay, tapat na payo, at walang sawang pagsuporta mula sa pagpapalano hanggang sa pagtatapos ng pananaliksik na ito.

Ipinapaabot din ang pasasalamat kay Dr. Levita B. Grana, ang katuwang na Dekano ng Paaralang Gradwado, sa ibinigay na pahintulot at patuloy na suporta sa pagsasakatuparan ng pag-aaral.

Nagpapasalamat din ang mananaliksik sa mga punong-guro ng mga mataas na paaralan sa Dibisyon ng Lungsod ng Gingoog sa kanilang kooperasyon at mahalagang partisipasyon.

Napakalaki rin ng pasasalamat sa kanyang asawa, G. Jannielou P. Casaños, sa hindi matitinag na suporta at pag-unawa, at sa kanyang mga anak — Honey Joy, Harley Blaire, at Hyn Rych — na nagsilbing inspirasyon at lakas sa pagharap sa mga hamon ng akademikong pag-aaral.

Higit sa lahat, ang pinakamataas na pasasalamat ay iniaalay sa Mahal na Birhen at sa Panginoong Diyos, na nagkaloob ng lakas, karunungan, at patnubay upang maisakatuparan ang pag-aaral na ito.

SANGGUNIAN

1. Abudu, A. M., Mahama, J. K., & Braimah, M. (2025). Strategy for Holistic Development: Integrating Social-Emotional Learning into Basic School Curricula in Tamale Metropolis. *International Journal of Science and Research (IJSR)*, 14(1), 1259. <https://doi.org/10.21275/sr25122190823>

2. Aguilar, S. F. (2024). PLAY-BASED LEARNING CONCEPT AND DEVELOPMENT OF TEACHING AMONG KINDERGARTEN TEACHERS. *European Journal of Education Studies*, 11(6). <https://doi.org/10.46827/ejes.v11i6.5333>
3. Agustina, T., Suwandi, S., & Suyitno, S. (2021). The Dimension of the Higher Order Thinking Cognitive Process in Indonesian Language Teaching Textbook for Senior High School Students. *International Journal of Multicultural and Multireligious Understanding*, 8(12), 65. <https://doi.org/10.18415/ijmmu.v8i12.3161>
4. Alesna-Tuñacao, J. (2024). Mga Salik na Nakaaapekto sa Antas ng Komprehensyon at Akademikong Performans sa mga Mag-Aaral ng Filipino 10 Unang Distrito ng Consolacion, Lunsod ng Cebu: Kaparaanan ng Pampagpabuti. *UB Advancing Filipino Research Journal*, 1(1), 130. <https://doi.org/10.15631/ubafrj.v1i1.203>
5. Alzahrani, A. S., & Albiladi, W. S. (2025). Beyond Language: Exploring the Hidden Curriculum's Contribution to the Language Development of English Language Learners. *World Journal of English Language*, 16(2), 15. <https://doi.org/10.5430/wjel.v16n2p15>
6. Ansori, R. W., Fauzan, A. C., & Fatmawati, M. (2023). Implementasi Kecakapan Logika dan Kreativitas melalui Humor dalam Materi Teks Anekdota Kelas X SMA dengan Kurikulum Merdeka. *Ghancaran Jurnal Pendidikan Bahasa Dan Sastra Indonesia*. <https://doi.org/10.19105/ghancaran.vi.7836>
7. Arslan, S., & Demirtaş, Z. (2016). SOCIAL EMOTIONAL LEARNING AND CRITICAL THINKING DISPOSITION. *Studia Psychologica*, 58(4), 276. <https://doi.org/10.21909/sp.2016.04.723>
8. Az-Zahra, R., Rusdi, R., & Ristanto, Rizhal H. (2021). Metacognitive, Critical Thinking, and Concept Understanding of Motion Systems: A Correlational Study. *Bioedukasi Jurnal Pendidikan Biologi*, 14(2), 156. <https://doi.org/10.20961/bioedukasi-uns.v14i2.52972>
9. Base, A. P., Guzman, A. M. D., Killa, M. T., Lumbiag, J. R., Lunag, J. L., Pascaden, P. B., & Sebulen, M. T. (2023). SALIK SA PAGTUTURO NG FILIPINO SA ELEMENTARYA: ISANG PAGSUSURI SA LUNGSOD NG BAGUIO. *Cognizance Journal of Multidisciplinary Studies*, 3(11), 9. <https://doi.org/10.47760/cognizance.2023.v03i11.002>
10. Bayu, W. I., Nurhasan, N., Suroto, S., & Solahuddin, S. (2022). Peer observation, self-assessment, and circuit learning: improving critical thinking and physical fitness in

- physical education. Jurnal Cakrawala Pendidikan, 41(2), 308. <https://doi.org/10.21831/cp.v41i2.38654>
11. Belete, N. H., & Mussa, S. (2021). An Investigation into the Implementation and Selection of Literary Texts to Teach Reading Skills in EFL Classes: The Case of Preparatory Schools in Awi Zone, Ethiopia. *Theory and Practice in Language Studies*, 11(5), 498. <https://doi.org/10.17507/tpls.1105.06>
 12. Borisová, S., & Pintes, G. (2023). The Philosophical Literary Story as a Model of Critical Thinking. *Education & Self Development*, 18(1), 60. <https://doi.org/10.26907/esd.18.1.05>
 13. Cabahug, I., Osias, N. C., Ongcachuy, B. L., & Corpuz, G. G. (2024). 21st Century Skills and Teachers' Performance: Basis for Instructional Development Plan. *American Journal of Arts and Human Science*, 3(2). <https://doi.org/10.54536/ajahs.v3i2.2860>
 14. Caballero, E. (2025). Integrating the Core Filipino Values in Araling Panlipunan 4: Towards a Responsive Lesson Exemplar. *Psychology and Education A Multidisciplinary Journal*, 50(6), 601. <https://doi.org/10.70838/pemj.500602>
 15. Carambas, J. R., & Tibaldo, J. S. (2025). Fostering Critical Thinking in Filipino through Media and Information Literacy. *Advances in Mobile Learning Educational Research*, 5(1), 1370. <https://doi.org/10.25082/amler.2025.01.012>
 16. Changcai, X., Bangkheow, P., Bangkheow, P., & Pholngam, P. (2025). Strategies for Developing Sustainable Reading Ability in High School Students: Practical Approaches to Enhance Potential in the Modern Era. *International Education Studies*, 18(5), 42. <https://doi.org/10.5539/ies.v18n5p42>
 17. Chen, J. J., Liang, X., & Lin, J. C. (2024). Weaving the Fabric of Social and Emotional Learning in the Context of Teaching: A Study in Hong Kong Kindergarten Classrooms. *Early Childhood Education Journal*, 53(5), 1521. <https://doi.org/10.1007/s10643-024-01682-0>
 18. Cordeiro, E. de P. B., Marques, M. M. C., & Costa, M. T. N. (2021). Socio-emotional education: paths to inspire studies, research and practices. *Revista Tempos e Espaços Em Educação*, 14(33). <https://doi.org/10.20952/revtee.v14i33.13729>
 19. Daclan, M. D., & Baguio, J. B. (2025). Socio-emotional Learning in Relation to Preceptive Teaching Improvement of Teachers in Baganga South District, Philippines. *Journal of Scientific Research and Reports*, 31(7), 275. <https://doi.org/10.9734/jsrr/2025/v31i73246>

20. DepEd Order No. 010, s. 2024. Policy Guidelines on the Implementation of the MATATAG Curriculum
21. DepEd Order No. 018, s. 2025. Implementing Guidelines of the Academic Recovery and Accessible Learning (ARAL) Program
22. Dicang, V. J. P., & Molina, H. B. (2023). MGA HAMONG KINAKAHARAP NG MGA MAG-AARAL SA PAGGAMIT NG WIKANG FILIPINO SA MAKRONG KASANAYAN SA PAGSASALITA. *Cognizance Journal of Multidisciplinary Studies*, 3(12), 161. <https://doi.org/10.47760/cognizance.2023.v03i12.014>
23. Dyson, B., Howley, D., Shen, Y., & Baek, S. (2021). Educators' Experiences of Establishing Social and Emotional Learning Pedagogies in an Elementary School with At-Risk Students. *International Electronic Journal of Elementary Education*, 13(5), 625. <https://doi.org/10.26822/iejee.2021.217>
24. Efendi, N., Rahmat, A., & Lustyantie, N. (2023). REPRESENTATION OF STUDENTS' CRITICAL THINKING IN WRITING: A CRITICAL LITERACY PERSPECTIVE. *English Review Journal of English Education*, 11(1), 219. <https://doi.org/10.25134/erjee.v11i1.5896>
25. Fajardo, M. F. (2023). Filipino Students' Competency in Evaluating Digital Media Content Credibility: 'Beginning' to 'Emerging' Levels. *Journal of Media Literacy Education*, 15(2), 58. <https://doi.org/10.23860/jmle-2023-15-2-5>
26. Fajariyanti, N., Masyuri, M., & Mahardiani, L. (2024). An Analysis of Critical Thinking Skills of Students of Batik 1 Senior High School Surakarta in the 2022/2023 Academic Year. *Path of Science*, 10(2), 2009. <https://doi.org/10.22178/pos.101-17>
27. Ferreira, M., Martinsone, B., & Talić, S. (2020). Promoting Sustainable Social Emotional Learning at School through Relationship-Centered Learning Environment, Teaching Methods, and Formative Assessment. *Journal of Teacher Education for Sustainability*, 22(1), 21. <https://doi.org/10.2478/jtes-2020-0003>
28. Ferrer, C. M., Rungduin, D., & Fulgencio, A. B. (2026). The Relationship of Self-Efficacy, Emotional Intelligence, and Resilience on Student Leadership Performance of Filipino Student Leaders. *Psychology and Education A Multidisciplinary Journal*, 52(10), 1247. <https://doi.org/10.70838/pemj.521010>
29. Galang, A. D. (2020). PHILIPPINE K TO 12 CURRICULUM AND PROGRAMME FOR INTERNATIONAL STUDENT ASSESSMENT (PISA) 2018 READING LITERACY PARALLELISM AND TEACHING-LEARNING EXPERIENCES.

- ETERNAL (English Teaching Learning and Research Journal), 6(2), 275.
<https://doi.org/10.24252/eternal.v6i2.2020.a7>
30. Galas, M. L., & Brazil, M. (2025). Worktext sa pagtuturo ng Noli Me Tangere. *International Journal of Research Studies in Education*, 14(17).
<https://doi.org/10.5861/ijrse.2025.25303>
31. Gandana, I. S. S., Nafisah, N., & Imperiani, E. D. A. (2021). Critical thinking, literature and teachers' instructional activities: An Indonesian case of community service program for English teachers. *English Language Teaching Educational Journal*, 4(2), 138.
<https://doi.org/10.12928/eltej.v4i2.4279>
32. Glušac, T., Pilipović, V., & Milić, M. (2020). CRITICAL THINKING SKILLS OF THIRD GRADE SECONDARY SCHOOL STUDENTS AS A COMPONENT OF THEIR FUNCTIONAL LITERACY. *TEME*, 355.
<https://doi.org/10.22190/teme180206031g>
33. Greenberg, M. T. (2023). Evidence for Social and Emotional Learning in Schools.
<https://doi.org/10.54300/928.269>
34. Handayani, T., Saulon, B. O., & Maryani, I. (2023). Integrating metacognitive strategies impacts virtual science experiments for undergraduate students' HOTS. *Jurnal Cakrawala Pendidikan*, 42(2). <https://doi.org/10.21831/cp.v42i2.51752>
35. Helaluddin, H., & Alamsyah, A. (2019). KAJIAN KONSEPTUAL TENTANG SOCIAL-EMOTIONAL LEARNING (SEL) DALAM PEMBELAJARAN BAHASA. *AL-ISHLAH Jurnal Pendidikan*, 11(1), 1. <https://doi.org/10.35445/alishlah.v11i1.123>
36. Hidayat, C., Lengkana, A. S., Rohyana, A., Purwanto, D., Razali, R., & Rosalina, M. (2023). Motivating Active Learning in Physical Education: Critical Thinking. *European Journal of Educational Research*, 1137. <https://doi.org/10.12973/eu-jer.12.2.1137>
37. Huynh, V. S., Giang, T.-V., Do, T.-T., & Nguyen, T.-H. (2023). A Cross-Sectional Study of SEL-Based Practice in Teaching of Vietnamese Primary Teachers. *Journal of Educational and Social Research*, 13(1), 81. <https://doi.org/10.36941/jesr-2023-0008>
38. Huynh, V.-S., Giang, T.-V., Nguyen, T.-H., Luu-Thi, H.-T., & Tran-Chi, V.-L. (2023). Responsible Making-Decision Competency Based on the Social Emotional Learning Model for Vietnamese High School Students. *Journal of Law and Sustainable Development*, 11(7). <https://doi.org/10.55908/sdgs.v11i7.1007>

39. Jimenez, P. C., Alred, A., & Dauer, J. M. (2024). Describing undergraduate students' reasoning and use of evidence during argumentation about socioscientific issues systems. *Frontiers in Education*, 9. <https://doi.org/10.3389/feduc.2024.1371095>
40. Juma, A. A. (2024). Self-reflection in teaching: A comprehensive guide to empowering educators and enhancing student learning. *International Journal of Science and Research Archive*, 12(1), 2835. <https://doi.org/10.30574/ijrsra.2024.12.1.1113>
41. Karmina, S., Dyson, B., & Setyowati, L. (2024). Teachers' perspectives on implementing cooperative learning to promote social and emotional learning. *Jurnal Cakrawala Pendidikan*, 43(2), 470. <https://doi.org/10.21831/cp.v43i2.68447>
42. Katrimah, K. (2025). Pengaruh Pendekatan Pembelajaran Sosial Emosional terhadap Pengembangan Karakter Siswa di Era Digital. *Journal of Innovation in Teaching and Instructional Media*, 6(1), 331. <https://doi.org/10.52690/jitim.v6i1.1165>
43. Lansangan, R., & Orleans, A. V. (2024). Exploring Filipino Students' Critical Thinking Skills: Basis for Enhancement of Science Laboratory Class Delivery. *Science Education International*, 35(3), 281. <https://doi.org/10.33828/sei.v35.i3.11>
44. Leonard, A. M., & Woodland, R. H. (2022). Teacher Collaboration and
45. Instruction for Social-Emotional Learning: A Correlational Study. *Current Issues in Education*, 23(3). <https://doi.org/10.14507/cie.vol23iss3.2053>
46. Li, L., Ismail, S. M., Patra, I., & Lami, D. (2024). Not a passive learner but an active one: a focus on the efficacy of philosophy-based language instruction and its consequences on EFL learners' critical thinking, engagement, and academic achievement. *BMC Psychology*, 12(1). <https://doi.org/10.1186/s40359-024-01648-2>
47. Liu, X., & Puteh, M. (2025). A Systematic Literature Review on Enhancing Critical Thinking Skills in EFL Reading. *World Journal of English Language*, 15(8), 239. <https://doi.org/10.5430/wjel.v15n8p239>
48. Londoño, A. L. G., & Osorio, D. V. (2024). Dialog of knowledges and critical consciousness: A perspective from Paulo Freire's thought. *Revista Boletín Redipe*, 13(6), 92. <https://doi.org/10.36260/wyqeww02>
49. Maab, S. H., Ramadhanti, S. F., Payung, N. F., & Yulia, Y. (2024). Critical Thinking in Academic Reading: EFL Students' Perceptions and Challenges. *Voices of English Language Education Society*, 8(1), 206. <https://doi.org/10.29408/veles.v8i1.25096>
50. Maglonzo, M. L., Luna, J. M. D., Caparas, L. A., & Manuel, M. J. (2023). A COMPARATIVE ANALYSIS OF THE DECISION-MAKING STYLES OF FILIPINO

- TEACHERS AND SOUTHEAST ASIAN TEACHERS. *Globus An International Journal of Management & IT*, 14(2), 26. <https://doi.org/10.46360/globus.mgt.120231003>
51. Mahoney, J. L., Weissberg, R. P., Greenberg, M. T., Dusenbury, L., Jagers, R. J., Niemi, K., Schlinger, M., Schlund, J., Shriver, T. P., VanAusdal, K., & Yoder, N. (2020). Systemic social and emotional learning: Promoting educational success for all preschool to high school students. *American Psychologist*, 76(7), 1128. <https://doi.org/10.1037/amp0000701>
 52. Majadly, H., & Yahya, A. Haj. (2024). Beyond the Language: Arabic Language Textbooks in Arab Palestinian Society as Tools for Developing Social–Emotional Skills. *Education Sciences*, 14(10), 1088. <https://doi.org/10.3390/educsci14101088>
 53. Malta, D. P. de L. N., Silva, Á. M. da S. e, Portes, C. S. V., Gadelha, D. de S., Mendonça, I. R. L., Cardoso, J. C. M., Souza, L. V. S. de, & Campos, L. D. de. (2024). A INFLUÊNCIA DAS METODOLOGIAS ATIVAS E DAS TECNOLOGIAS NO DESENVOLVIMENTO DE COMPETÊNCIAS SOCIOEMOCIONAIS EM ESCOLAS DE TEMPO INTEGRAL (p. 44). <https://doi.org/10.51891/rease.978-65-6054-111-5-2>
 54. Mariani, R., Ansori, H., & Mawaddah, S. (2021). KEMAMPUAN BERPIKIR TINGKAT TINGGI MENURUT TEORI ANDERSON DAN KRATHWOHL PADA SISWA SMP KELAS IX. *JURMADIKTA*, 1(1), 49. <https://doi.org/10.20527/jurmadikta.v1i1.729>
 55. Martínez, M. E., & Gómez, V. (2024). The Importance of Social-Emotional Learning in Schools. *Acta Pedagogica Asiana*, 3(2), 101. <https://doi.org/10.53623/apga.v3i2.468>
 56. Martinez-Yarza, N., Gruber, R. S., & Solabarrieta, J. (2023). A Systematic Review of Instruments Measuring Social and Emotional Skills in School-Aged Children and Adolescents [Review of A Systematic Review of Instruments Measuring Social and Emotional Skills in School-Aged Children and Adolescents]. *Child Indicators Research*, 16(4), 1475. Springer Science+Business Media. <https://doi.org/10.1007/s12187-023-10031-3>
 57. Megawati, F., & Mukminatien, N. (2023). Social and emotional learning (SEL): How does it develop and contribute to pre-service English teachers' identity? *Pegem Journal of Education and Instruction*, 13(1). <https://doi.org/10.47750/pegegog.13.01.09>
 58. Molina, C., Vergara, J., & Manalo, M. A. (2025). Developing Social and Emotional Learning Wellness Intervention for Filipino Students: An Integrative Literature Review. *Journal of Interdisciplinary Perspectives*, 3(6). <https://doi.org/10.69569/jip.2025.221>

59. Mukhemar, R., Affouneh, S., & Burgos, D. (2025). Technology-enabled social-emotional learning for university educators: a systematic review [Review of Technology-enabled social-emotional learning for university educators: a systematic review]. *Frontiers in Education*, 10. Frontiers Media. <https://doi.org/10.3389/feduc.2025.1655634>
60. Nanda, S., Satapathy, D., Panda, G., & Pradhan, D. K. (2025). Socio-emotional learning and competencies in 21st-century education: a systematic review of teacher and student perspectives [Review of Socio-emotional learning and competencies in 21st-century education: a systematic review of teacher and student perspectives]. *Discover Education*, 4(1). Springer Science+Business Media. <https://doi.org/10.1007/s44217-025-00796-w>
61. Niman, E. M. (2025). Embedding local culture in social studies: pathways to strengthen social-emotional learning in primary education. *Frontiers in Education*, 10. <https://doi.org/10.3389/feduc.2025.1655528>
62. Nurfauziyah, S., Hamidah, I., Suntini, S., & Fadhly, F. Z. (2024). ELEVATING LEARNING: DEVELOPING HOTS CHALLENGES FOR SENIOR STUDENTS AT SMK PUI Cikijing. *Indonesian Journal of Learning and Instruction*, 7(1). <https://doi.org/10.25134/ijli.v7i1.9604>
63. Özdemir, N. K., & Büyükçolpan, H. (2021). Sosyal Duygusal Öğrenme Ölçeği- Genç Yetişkin Formu Geliştirme Çalışması. *Kastamonu Eğitim Dergisi*, 29(4), 205. <https://doi.org/10.24106/kefdergi.822770>
64. Pasco, A. A., & Cruz, R. A. O.-D. (2023). Contributing and Hindering Factors of Teachers' Social and Emotional Learning Competencies. *ÜNİVERSİTEPARK Bülten*, 12(2). <https://doi.org/10.22521/unibulletin.2023.122.1>
65. Pentón, H., Luis Javier. (2024). Action research about the effects of social-emotional learning in a second language acquisition teacher preparation course. *Psychology of Language and Communication*. <https://doi.org/10.58734/plc-2024-0019>
66. Pham, S. V. (2024). The Influence of Social and Emotional Learning on Academic Performance, Emotional Well-Being, and Implementation Strategies: A Literature Review [Review of The Influence of Social and Emotional Learning on Academic Performance, Emotional Well-Being, and Implementation Strategies: A Literature Review]. *Saudi Journal of Humanities and Social Sciences*, 9(12), 381. <https://doi.org/10.36348/sjhss.2024.v09i12.001>

67. Pravita, A. R., & Kuswandono, P. (2021). Critical thinking implementation in an English education course: Why is it so challenging? *EduLite Journal of English Education Literature and Culture*, 6(2), 300. <https://doi.org/10.30659/e.6.2.300-313>
68. Rahmi, A., & Jamaluddin, J. (2021). High School Debate: Elevating Students' Critical Thinking into Hoax Prevention. *Advances in Economics, Business and Management Research/Advances in Economics, Business and Management Research*. <https://doi.org/10.2991/aebmr.k.210305.069>
69. Reed, M., & Caswell, H. T. (2021). Creating a Learning Space for Authenticity and Empathy: Book-by-Book. *Kansas English*: 102. <https://doi.org/10.62704/fhn4j580>
70. Republic Act No. 12028. (2024). Academic Recovery and Accessible Learning Program Act
71. Rosepti, P. (2022). Cultivating Children's Social Awareness in the Multicultural and Diverse Community: A Perspective from Empathetic Teaching. *Edueksos Jurnal Pendidikan Sosial & Ekonomi*, 11(2). <https://doi.org/10.24235/edueksos.v11i2.11210>
72. Saul, A. J. G., Capiz, J.-R. D., & Milan, K. C. (2020). Manipestasyon ng Ika-21 Siglong Kasanayan at Mungkahing Gawaing Makalilinang ng Kasanayan sa Kurikulum ng Filipino ng Ikasampung Baitang. *Asia Pacific Higher Education Research Journal (APHERJ)*, 7(1). <https://doi.org/10.56278/apherj.v7i1.1547>
73. Segal, R., & Biton, Y. (2024). Teaching and learning high-school mathematics via WhatsApp: teachers' perspectives. *Learning Environments Research*. <https://doi.org/10.1007/s10984-024-09508-x>
74. Sinaga, T., Kadaryanto, B., & Aulia, N. (2023). Indonesian High School Students' Critical Thinking and Literary Text Comprehension. *ELE Reviews English Language Education Reviews*, 3(2), 155. <https://doi.org/10.22515/elereviews.v3i2.7621>
75. Siraj, A., Jabeen, M., & Akhtar, H. (2025). Social Emotional Learning: A Contemporary Analysis of Teacher Educators' Understanding and Awareness in Pakistan. *Inverge Journal of Social Sciences*, 4(4), 368. <https://doi.org/10.63544/ijss.v4i4.206>
76. Song, J., Howard, D., & Olazabal-Arias, W. (2022). Translanguaging as a Strategy for Supporting Multilingual Learners' Social Emotional Learning. *Education Sciences*, 12(7), 475. <https://doi.org/10.3390/educsci12070475>
77. Storey, M. (2020). Engaging minds and hearts: Social and emotional learning in English Language Arts. *Language and Literacy*, 21(1), 122. <https://doi.org/10.20360/langandlit29355>

78. Susilowati, Y., & Sumaji, S. (2021). INTERSEKSI BERPIKIR KRITIS DENGAN HIGH ORDER THINKING SKILL (HOTS) BERDASARKAN TAKSONOMI BLOOM. *Jurnal Silogisme Kajian Ilmu Matematika Dan Pembelajarannya*, 5(2), 62. <https://doi.org/10.24269/silogisme.v5i2.2850>
79. Takizawa, Y., Bambling, M., Matsumoto, Y., Ishimoto, Y., & Edirippulige, S. (2023). Effectiveness of universal school-based social-emotional learning programs in promoting social-emotional skills, attitudes towards self and others, positive social behaviors, and improving emotional and conduct problems among Japanese children: a meta-analytic review [Review of Effectiveness of universal school-based social-emotional learning programs in promoting social-emotional skills, attitudes towards self and others, positive social behaviors, and improving emotional and conduct problems among Japanese children: a meta-analytic review]. *Frontiers in Education*, 8. *Frontiers Media*. <https://doi.org/10.3389/feduc.2023.1228269>
80. Tang, L., Allen, E., & Matt, J. (2023). A Comparative Study on Critical Thinking Skills of ISEC and Non-ISEC Teachers in Institutions of Higher Education in the North of China. *Journal of Education and Training Studies*, 12(1), 1. <https://doi.org/10.11114/jets.v12i1.6438>
81. Viado, A. L., & Department, J. A. E. (2023). The Collaborative-Individual Learning in Improving the Critical Thinking Skills of Secondary Students in the Philippines. *International Journal of Multidisciplinary Applied Business and Education Research*, 4(7), 2592. <https://doi.org/10.11594/ijmaber.04.07.35>
82. Villarama, J., Cruz, L. M. M. V. D., Barcelita, K. J. C., & Jose, B. J. (2025). RECONCEPTUALIZING ENGLISH LANGUAGE TEACHING IN THE PHILIPPINES: INTERPLAY OF JOURNALING AND EMOTIONS. *LLT Journal A Journal on Language and Language Teaching*, 28(2), 984. <https://doi.org/10.24071/llt.v28i2.9067>
83. Yasmar, R., Sulaikho, S., Munir, M. S., Asrori, I., & Machmudah, U. (2023). Penerapan HOTS (Higher Order Thinking Skills) dalam Eksplorasi Ide pada Mata Kuliah Kitabah. *An-Nabighoh Jurnal Pendidikan Dan Pembelajaran Bahasa Arab*, 25(2), 225. <https://doi.org/10.32332/an-nabighoh.v25i2.7171>
84. Yulianti, D., & Herpratiwi, H. (2024). Development of a science, environment, technology, and society-based learning module to foster critical thinking in elementary

- students. Journal of Education and Learning (EduLearn), 18(4), 1372.
<https://doi.org/10.11591/edulearn.v18i4.21713>
85. Yuliastrin, A., Vebrianto, R., & Fiqri, M. (2023). The Mapping of Students' Critical Thinking Ability on Vibration and Wave Material. SEJ (Science Education Journal), 7(2), 89. <https://doi.org/10.21070/sej.v7i2.1633>
86. Zhenzhen, Y. (2023). estado de las habilidades socioemocionales de los estudiantes de Filología Hispánica en China y las estrategias de la impregnación del aprendizaje socioemocional a la clase de literatura hispánica. Estudios, 47, 82. <https://doi.org/10.15517/re.v0i47.57894>